



ახალი რედაქცია დამტკიცებულია

რექტორის ბრძანება №01-03 10.01.2023

რექტორი  პ. ხვედელიძე



უმაღლესი საგანმანათლებლო პროგრამების  
შემუშავების, განხორციელების და განვითარების დებულება

ნდ №2-030101-01

ბათუმი

2023

შინაარსი

პრეამბულა: გავრცელების სფერო, ნორმატიული საფუძვლები, ძირითადი განმარტებები და შემოკლებები.....3

მუხლი 1. ზოგადი დებულებები .....4

მუხლი 2. უმაღლესი საგანმანათლებლო პროგრამა (ბაკალავრიატი, მაგისტრატურა) .....4

1. პროგრამის შემუშავება, დამტკიცება, მოდიფიცირება, ცვლილებების შეტანა, გაუქმება; 2. პროგრამის ხელმძღვანელი და განმახორციელებლები; 3. პროგრამის განხორციელების ხარისხის უზრუნველყოფა; 4. პროგრამის შესახებ ინფორმაციის ხელმისაწვდომობა; 5. პროგრამის აღწერილობა (კურიკულუმი). პროგრამის კომპონენტის სილაბუსი; 6. ზოგადი მოთხოვნები პროგრამისადმი; 7. პროგრამის სტრუქტურა. პროგრამის კომპონენტები; 8. სწავლების ენა; 9. სწავლა-სწავლების მეთოდები; 10. პროგრამით გათვალისწინებული არჩევანის გამჭვირვალობისა და შესაძლებლობის უზრუნველყოფა; 11. სტუდენტებთან ინდივიდუალური მუშაობა; 12. პროგრამაზე სწავლის უფლება; 13. პროგრამის სწავლის შედეგები. კურსდამთავრებულის კომპეტენციები; 14. პროგრამით სწავლის დასრულება. მისანიჭებელი კვალიფიკაცია.

მუხლი 3. სტუდენტის დატვირთვა. სასწავლო განრიგი .....7

1. პროგრამის მოცულობა; 2. სწავლის ხანგრძლივობა. სწავლის ვადის გაგრძელება (დამატებითი სემესტრი); 3. სტუდენტის დატვირთვა. სასწავლო განრიგი; 4. საზღვაო-საინჟინრო ფაკულტეტის სტუდენტების საზღვაო/საცურაო პრაქტიკა

მუხლი 4. სტუდენტის შეფასება .....9

1. შეფასების ძირითადი პრინციპები და მიზნები; 2. სტუდენტთა შეფასების წესი; 3. აკადემიური მოსწრების მაჩვენებლები (კოეფიციენტები). GPA

მუხლი 5. მობილობა, შიდამობილობა.....11

მუხლი 6. განათლების (კრედიტების) აღიარების წესი.....11

1. საბაკალავრო საგანმანათლებლო პროგრამა; 2. სამაგისტრო საგანმანათლებლო პროგრამა

მუხლი 7. პროგრამის შეცვლის ან გაუქმების შემთხვევაში განათლების მიღების უწყვეტობის შესაძლებლობის უზრუნველყოფა .....15

მუხლი 8. დანართები.....16

მუხლი 9. დოკუმენტის საჯაროობა/კონფიდენციალურობა.....16

მუხლი 10. დასკვნითი დებულებები .....16

ცვლილებების აღრიცხვის ფურცელი .....17

**პრეამბულა**

1. წინამდებარე დებულება ძალაში შედის დამტკიცებისთანავე, თუ სხვა რამ არ არის გათვალისწინებული დებულების დამტკიცების აქტით;
2. დებულებას და მასში შესატან ცვლილებებს შემუშავებს სამუშაო ჯგუფი, რომლის შემადგენლობაში შედიან ხარისხის უზრუნველყოფის სამსახურის უფროსი, ბნსუ-ს იურისტი, ფაკულტეტის დეკანი და სხვა პირები (საჭიროებისამებრ). სამუშაო ჯგუფის მუშაობას კოორდინირებას და საბოლოო პროექტის მომზადებას უზრუნველყოფს ხარისხის უზრუნველყოფის სამსახურის უფროსი;
3. დებულებაში ცვლილებები მუშავდება დებულების გამოყენების შედეგების, საჭიროებისამებრ ან/და იმ ნორმატიული დოკუმენტების ცვლილებების გათვალისწინებით, რომლის საფუძველზეც შემუშავდა ეს წესი;
4. დებულებაში ცვლილებების შეტანას აკონტროლებს ხარისხის უზრუნველყოფის სამსახურის უფროსი;
5. დებულების ორიგინალი (ელ. ვერსიისათვის) ინახება ბნსუ-ს ხარისხის უზრუნველყოფის სამსახურში.

**გავრცელების სფერო**

1. წინამდებარე დებულება ბათუმის ნავიგაციის სასწავლო უნივერსიტეტის მარეგულირებელი (შიდა ნორმატიული) დოკუმენტია;
2. დებულება ვრცელდება ყველა საკითხზე, რომელიც წარმოადგენს ამ დებულების რეგულირების სფეროს, და ყველა დოკუმენტზე, რომლის მიღების საფუძველს წარმოადგენს წინამდებარე დებულებაში არსებული წესები;

**ნორმატიული საფუძვლები**

1. საქართველოს კანონი განათლების ხარისხის განვითარების შესახებ;
2. საქართველოს კანონი უმაღლესი განათლების შესახებ;
3. უმაღლესი განათლების სფეროში საქართველოს მოქმედი კანონქვემდებარე ნორმატიული აქტები და სტანდარტები;
4. უმაღლესი განათლების ევროპული სივრცის ხარისხის უზრუნველყოფის სტანდარტები და სახელმძღვანელო პრინციპები (ESG - European Standards and Guidelines);
5. ENQA-ს რეკომენდაციები ელექტრონული სწავლების ხარისხის უზრუნველყოფასთან მიმართებით;
6. ხარისხის უზრუნველყოფა ელექტრონული სწავლების პირობებში (ESG-2015-ის სტანდარტებით);
7. საქართველოს კანონი მეზღვაურთა მომზადებისა და დიპლომირების შესახებ;
8. საერთაშორისო სტანდარტი ISO 9001:2015 ხარისხის მენეჯმენტის სისტემები - მოთხოვნები;
9. საერთაშორისო სტანდარტი ISO 9000:2015 ხარისხის მენეჯმენტის სისტემა და ლექსიკონი;
10. ნდ №2-010101 – ბნსუ-ს წესდება;
11. ნდ №2-010102 – ბნსუ-ს საქმიანობის მომწესრიგებელი დებულება (შინაგანაწესი);
12. ნდ №2-020101-01 – დოკუმენტების მართვის პროცედურა;

**ძირითადი განმარტებები და შემოკლებები**

შიდა ნორმატიული დოკუმენტი - ბნსუ-ს საქმიანობის მომწესრიგებელი, შიდა მარეგულირებელი დოკუმენტი, რომელიც ადგენს საქმიანობის წესს, საერთო პრინციპებსა და დახასიათებას და ეხება სხვადასხვა საქმიანობის სახეებს და მათ შედეგებს;

თანამდებობრივი ინსტრუქცია - შიდა ნორმატიული დოკუმენტი, რომელიც განსაზღვრავს/აზუსტებს ბნსუ-ში დასაქმებული პირის კვალიფიკაციის მიმართ მოთხოვნებს, მის მოვალეობებს, უფლებებსა და პასუხისმგებლობას;

სტრუქტურული ერთეულის დებულება - შიდა ნორმატიული დოკუმენტი, რომელიც განსაზღვრავს სტრუქტურული ერთეულის საქმიანობის სფეროს, ამოცანებსა და ფუნქციებს, სტრუქტურული ერთეულის ხელმძღვანელის/პერსონალის ფუნქციურ დაქვემდებარებას, ძირითად უფლებებსა და ვალდებულებებს;

აღრიცხული ეგზემპლარი - დოკუმენტი, რომელსაც გააჩნია სააღრიცხვო ნომერი აღრიცხული ეგზემპლარების სიის მიხედვით;

საგანმანათლებლო პროგრამა - საბაკალავრო, სამაგისტრო საგანმანათლებლო პროგრამა;

სტუდენტი - პირი, რომელიც კანონმდებლობის შესაბამისად ჩაირიცხა და სწავლობს საბაკალავრო/სამაგისტრო საგანმანათლებლო პროგრამაზე;

მაგისტრანტი - პირი, რომელიც კანონმდებლობის შესაბამისად ჩაირიცხა და სწავლობს სამაგისტრო საგანმანათლებლო პროგრამაზე;

ბნსუ ან სასწავლო უნივერსიტეტი - შპს „ბათუმის ნავიგაციის სასწავლო უნივერსიტეტი“;

უსდ/სდ - უმაღლესი საგანმანათლებლო დაწესებულება/საგანმანათლებლო დაწესებულება;

ISO - სტანდარტიზაციის საერთაშორისო ორგანიზაცია;

ხს - ხარისხის სისტემა;

ECTS - კრედიტებისა ტრანსფერისა და დაგროვების ევროპული სისტემა;

ESG - European Standards and Guidelines;

ENQA - European Network for Quality Assurance;

სდ - საინფორმაციო დოკუმენტი;

სტს - საზღვაო ტრანსპორტის სააგენტო.

**მუხლი 1. ზოგადი დებულებები**

1. წინამდებარე უმაღლესი საგანმანათლებლო პროგრამების შემუშავების, განხორციელების და განვითარების დებულება (შემდგომში - დებულება) არეგულირებს ბნსუ-ში უმაღლესი განათლების (ბაკალავრიატის და მაგისტრატურის საფეხურების) საგანმანათლებლო პროგრამების (შემდგომში - ბაკალავრიატის/მაგისტრატურის პროგრამა ან პროგრამა) შემუშავებასთან, განხორციელებასთან და განვითარებასთან დაკავშირებულ საკითხებს;
2. საკითხები, რომლებიც არ არის გათვალისწინებული წინამდებარე დებულებით, რეგულირდება ბნსუ-ს შინაგანაწესით და შიდა-საუნივერსიტეტო აქტებით. საკითხები, რომლებიც არ არის გათვალისწინებული ბნსუ-ს მარეგულირებელ დებულებებში/წესებში გადაწყდება საქართველოს მოქმედი კანონმდებლობის საფუძველზე;
3. ბნსუ უზრუნველყოფს ინფორმაციის საჯაროობას, მათ შორის, ვებ-გვერდის მეშვეობით. სტუდენტები და მაგისტრანტები (შემდგომში - სტუდენტები), საგანმანათლებლო პროგრამების განხორციელებაში ჩართული პირები ვალდებული არიან გაეცნონ ამ ინფორმაციას და შეასრულონ წინამდებარე დებულებით განსაზღვრული მოთხოვნები. ამ მოთხოვნების არცოდნა არ ათავისუფლებს მათ წინამდებარე დებულებით დადგენილი მოთხოვნების შესრულების ვალდებულებისაგან და მათი შეუსრულებლობით გამოწვეული პასუხისმგებლობისაგან.

**მუხლი 2. უმაღლესი საგანმანათლებლო პროგრამები (ბაკალავრიატი, მაგისტრატურა)**

**1. პროგრამის შემუშავება, დამტკიცება, მოდიფიცირება, ცვლილებების შეტანა, გაუქმება**

1. უმაღლესი საგანმანათლებლო პროგრამების დაგეგმვის, შემუშავების, განვითარებაზე მიმართული ცვლილებების შეტანის და სხვა პროცედურული საკითხები რეგულირდება ბნსუ-ში მოქმედი დოკუმენტით - წინამდებარე დებულების დანართით „უმაღლესი საგანმანათლებლო პროგრამების დაგეგმვის, შემუშავებისა და განვითარების მეთოდოლოგია“.

**2. პროგრამის ხელმძღვანელი და განმახორციელებელი**

1. პროგრამის ხელმძღვანელის ფუნქციები, უფლება-მოვალეობები რეგულირდება პროგრამის ხელმძღვანელის თანამდებობრივი ინსტრუქციით;
2. პროგრამას ახორციელებს აკადემიური პერსონალი (პროფესორი, ასოცირებული პროფესორი, ასისტენტ-პროფესორი, ასისტენტი) და მოწვეული პერსონალი (მოწვეული სპეციალისტები), მათი შერჩევა ხდება კანონმდებლობის მოთხოვნების და ბნსუ-ს მიერ დადგენილი წესების შესაბამისად.

**3. პროგრამის განხორციელების ხარისხის უზრუნველყოფა**

1. პროგრამების ხარისხის უზრუნველყოფის და განვითარების საკითხები რეგულირდება ბნსუ-ში მოქმედი დოკუმენტით - წინამდებარე დებულების დანართით „უმაღლესი საგანმანათლებლო პროგრამების დაგეგმვის, შემუშავებისა და განვითარების მეთოდოლოგია“.

**4. პროგრამის შესახებ ინფორმაციის ხელმისაწვდომობა**

1. ინფორმაციის საჯაროობის მიზნით პროგრამების ჩამონათვალი და კატალოგის ელ.ვერსია ატვირთულია ბნსუ-ს ვებგვერდზე, პროგრამის კომპონენტების სილაბუსები - სასწავლო პროცესის მართვის ელექტრონულ სისტემაში. კატალოგი ამონაბეჭდის სახით არის ფაკულტეტებზე და ხელმისაწვდომია ყველა დაინტერესებული პირისთვის. ასევე, ბნსუ-ს ვებგვერდზე ატვირთულია ინფორმაცია პროგრამაზე ჩარიცხვის პირობების, სწავლის საფასურის, პროგრამის ადამიანური და მატერიალური რესურსების, სასწავლო პროცესის და გარიგის შესახებ, ბნსუ-ს საკონტაქტო ინფორმაცია და სხვ. ბნსუ-ში სწავლის მსურველს და სტუდენტს კონსულტაციას გაუწევინ ფაკულტეტის დეკანი, პროგრამის ხელმძღვანელი და განმახორციელებელი პერსონალი.

**5. პროგრამის აღწერილობა (კურიკულუმი). პროგრამის კომპონენტის სილაბუსი**

1. პროგრამის აღწერილობაში (კურიკულუმში) უნდა იყოს მითითებული: პროგრამის დასახელება; უმაღლესი განათლების საფეხური; მისანიჭებელი აკადემიური ხარისხი (კვალიფიკაცია) და კვალიფიკაციის კოდი; პროგრამის მოცულობა კრედიტებით; სწავლების ენა; პროგრამაზე მიღების წინაპირობები; პროგრამის მიზნები; დაგეგმილი სწავლის შედეგები; სწავლა/სწავლების მეთოდები; სტუდენტის შეფასების სისტემა; სასწავლო გეგმა; კურსდამთავრებულის დასაქმების შესაძლო სფეროები; კურსდამთავრებულის სწავლის გაგრძელების შესაძლებლობა, ინფორმაცია პროგრამის მატერიალური და ადამიანური რესურსების შესახებ. კურიკულუმს უნდა დაერთოს სწავლის შედეგების რუკა (პროგრამის ყველა კომპონენტის მითითებით) და სასწავლო გეგმით გათვალისწინებული პროგრამის კომპონენტის პროგრამები (სილაბუსები);
2. პროგრამის კომპონენტების სილაბუსში უნდა იყოს მითითებული: პროგრამის კომპონენტის დასახელება; პროგრამის დასახელება; უმაღლესი განათლების საფეხური; სწავლების ენა; სილაბუსის ავტორი/განმახორციელებელი და სკონტაქტო ინფორმაცია; კრედიტების რაოდენობა, საკონტაქტო და დამოუკიდებელი საათები; პროგრამის კომპონენტზე დაშვების წინაპირობები; მიზნები; დაგეგმილი სწავლის შედეგები; შინაარსი; სწავლა/სწავლების მეთოდები; სტუდენტის შეფასების სისტემა; სასწავლო კურსის შემთხვევაში - სავალდებულო (ძირითადი) და დამატებითი (დამხმარე) ლიტერატურა და სხვა რესურსები (არსებობის შემთხვევაში);
3. ზემოთ მითითებულის გარდა, კურიკულუმში და სილაბუსში შეიძლება შეიცავდეს სხვა ინფორმაციასაც;
4. ბნსუ-ში მოქმედებს კურიკულუმის და სილაბუსის უნიფიცირებული ფორმები, რომლებიც აღწერენ პროგრამის (კურიკულუმი), ისე მისი კომპონენტების (სილაბუსები) განხორციელების ასპექტებს.

**6. ზოგადი მოთხოვნები პროგრამისადმი**

1. საბაკალავრო/სამაგისტრო საგანმანათლებლო პროგრამა (შემდგომში - პროგრამა) არის კვალიფიკაციის მისაღებად აუცილებელი კომპონენტების ერთობლიობა, რომელმაც უნდა უზრუნველყოს პროგრამის მიზნების და დაგეგმილი შედეგების მიღწევას ეროვნული კვალიფიკაციების ჩარჩოს ბაკალავრიატის/მაგისტრატურის საფეხურის აღმწერით, სწავლის სფეროების კლასიფიკატორით და შესაბამისი დარგობრივი მახასიათებლით (არსებობის შემთხვევაში) განსაზღვრული დონით/მოცულობით. პროგრამა უნდა შეესაბამებოდეს ბნსუ-ს მისიას, იყოს შედგენილი ევროპული კრედიტების ტრანსფერის სისტემის (ECTS) შესაბამისად და ჰქონდეს თანმიმდევრული სტრუქტურა. პროგრამის კომპონენტების შესწავლის თანმიმდევრობა უნდა იყოს ლოგიკური და უზრუნველყოფდეს ცოდნის გადაცემას პრინციპით „ზოგადიდან - კონკრეტულამდე, მარტივიდან - რთულამდე“;
2. საბაკალავრო პროგრამა მოიცავს მხოლოდ სასწავლო კომპონენტებს (მათ შორის, სასწავლო კურსები, პრაქტიკა, საბაკალავრო ნაშრომი);
3. სამაგისტრო პროგრამა მოიცავს სასწავლო კომპონენტს (მათ შორის, სასწავლო კურსები, პრაქტიკა) და სამეცნიერო-კვლევით კომპონენტს (სამაგისტრო ნაშრომი). სასწავლო კომპონენტები ერთსემესტრიანია - ხორციელდება და ფასდება ერთსა და იმავე სემესტრში შუალედური და დასკვნითი შეფასებების მეშვეობით. სამეცნიერო-კვლევითი კომპონენტი ფასდება ერთჯერადად (დასკვნითი შეფასებით) იმავე ან მომდევნო სემესტრში, რომელშიც სტუდენტი დაასრულებს მასზე მუშაობას.



**7. პროგრამის სტრუქტურა. პროგრამის კომპონენტები**

1. **საბაკალავრო საგანმანათლებლო პროგრამის სტრუქტურა:** პროგრამას შეიძლება ჰქონდეს შემდეგი სტრუქტურა: ა) ძირითადი სწავლის სფეროს შესაბამისი შინაარსის პროგრამის კომპონენტები (სავალდებულო და არჩევითი ნაწილი) და თავისუფალი კომპონენტები (სავალდებულო და არჩევითი ნაწილი); ბ) ძირითადი სწავლის სფეროს შესაბამისი შინაარსის პროგრამის კომპონენტები (სავალდებულო და არჩევითი ნაწილი), დამატებითი პროგრამა (სავალდებულო და არჩევითი ნაწილი) და თავისუფალი კომპონენტები (სავალდებულო და არჩევითი ნაწილი); გ) ძირითადი სწავლის სფეროს შესაბამისი შინაარსის პროგრამის კომპონენტები (სავალდებულო და არჩევითი ნაწილი) და ორი დამატებითი პროგრამა (სავალდებულო და არჩევითი ნაწილი). ძირითადი სწავლის სფერო (არანაკლებ 120 კრედიტისა, თუ სხვა რამ არ არის გათვალისწინებული კანონმდებლობით/შესაბამისი დარგობრივი მახასიათებლით), რომელშიც კურსდამთავრებულს ენიჭება ბაკალავრის აკადემიური ხარისხი. დამატებითი პროგრამაში (30-60 კრედიტი) არ ხდება კვალიფიკაციის მინიჭება (შესწავლილი კომპონენტების დასახელებები, მიღებული კრედიტები და შეფასებები აისახება დიპლომის დანართში); ბაკალავრიატის პროგრამაში შესაძლებელია მხოლოდ იმ დამატებითი პროგრამ(ებ)ის კომბინირება, რომლის შესაბამისი უმაღლესი საგანმანათლებლო პროგრამა უკვე ხორციელდება ბნსუ-ში. თავისუფალი კომპონენტი მოიაზრებს ზოგადი, ტრანსფერული უნარების განვითარებაზე ორიენტირებულ და სხვა საბაკალავრო პროგრამიდან არჩეულ სასწავლო კურს(ებ)ს (ე.წ. „თავისუფალი კრედიტები“). პროგრამა შესაძლებელია ითვალისწინებდეს კონცენტრაციას/კონცენტრაციების (ძირითადი სწავლის სფეროს შესაბამისი შინაარსის სასწავლო კურსების/საგნების/მოდულების დაჯგუფებას კონკრეტულ თემაზე/საკითხზე ფოკუსირებით). კონცენტრაციას აქვს სწავლის შედეგი, რომელიც გათვალისწინებულია პროგრამის სწავლის შედეგებში. პროგრამაში კონცენტრაციის არსებობა არ ცვლის ამ პროგრამის სწავლის სფეროს ან/და მისანიჭებელ კვალიფიკაციას. ბაკალავრიატის პროგრამაში კონცენტრაციის მოცულობა უნდა იყოს არანაკლებ 30 კრედიტისა (საბაკალავრო ნაშრომის ჩათვლით), პროგრამით შეთავაზებული არჩევითი სასწავლო კურსების მოცულობა უნდა აღემატებოდეს არჩევითი ნაწილისთვის დადგენილი კრედიტების მოცულობას და იძლეოდეს არჩევანის შესაძლებლობას. პროგრამით შეთავაზებული არჩევითი სასწავლო კურსების, თავისუფალი კრედიტების, დამატებითი პროგრამისა ან/და კონცენტრაცი(ებ)ის (თუ ეს გათვალისწინებული პროგრამის სტრუქტურით) მეშვეობით სტუდენტს შეუძლია ინდივიდუალური საგანმანათლებლო პროფილის ფორმირება;

2. **სამაგისტრო საგანმანათლებლო პროგრამის სტრუქტურა:** პროგრამა მოიცავს სასწავლო (მათ შორის: სასწავლო კურსები, პრაქტიკა) და სამეცნიერო-კვლევით (სამაგისტრო ნაშრომი) კომპონენტებს. სასწავლო კომპონენტები მოიცავს არჩევით და სავალდებულო ნაწილს. სამაგისტრო ნაშრომი სავალდებულოა (გარდა საქართველოს კანონმდებლობით განსაზღვრული სამაგისტრო პროგრამებისა). სამაგისტრო პროგრამა შესაძლებელია ითვალისწინებდეს კონცენტრაციას/კონცენტრაციების (ძირითადი სწავლის სფეროს შესაბამისი შინაარსის სასწავლო კურსების/მოდულების დაჯგუფებას კონკრეტულ თემაზე/საკითხზე ფოკუსირებით). კონცენტრაციას აქვს სწავლის შედეგი, რომელიც გათვალისწინებულია სამაგისტრო პროგრამის სწავლის შედეგებში. პროგრამაში კონცენტრაციის არსებობა არ ცვლის ამ პროგრამის სწავლის სფეროს ან/და მისანიჭებელ კვალიფიკაციას (კონცენტრაციის მოცულობა - პროგრამის კრედიტების საერთო რაოდენობის არანაკლებ 50%, სამაგისტრო ნაშრომის ჩათვლით). პროგრამით შეთავაზებული არჩევითი სასწავლო კურსების მოცულობა უნდა აღემატებოდეს არჩევითი ნაწილისთვის დადგენილი კრედიტების მოცულობას და იძლეოდეს არჩევანის შესაძლებლობას. პროგრამით შეთავაზებული არჩევითი სასწავლო კურსების და კონცენტრაციის (თუ ეს გათვალისწინებული პროგრამის სტრუქტურით) მეშვეობით სტუდენტს შეუძლია ინდივიდუალური საგანმანათლებლო პროფილის ფორმირება;

**3. პროგრამის კომპონენტები:**

- **სასწავლო კურსი** - 1) სემესტრის ორგანიზება სილაბუსის შესაბამისად (ლექციები, სამუშაო ჯგუფში მუშაობა, პრაქტიკული მუშაობა და/ან სხვ., შუალედური (ე.წ. „მიმდინარე“) შეფასებები, შუალედური გამოცდა და შუალედური გამოცდის შედეგების განხილვა, დამოუკიდებელი მუშაობით დასკვნითი შეფასებისთვის მზადება, დასკვნითი შეფასება, დამატებითი შეფასება (ტარდება დასკვნითი შეფასების შედეგების გამოცხადებიდან არანაკლებ 05 კალენდარულ დღეში); 2) სტუდენტის შეფასება: შუალედური შეფასება max 60 ქულა (ე.წ. „მიმდინარე შეფასებები“ - max 40 ქულა და შუალედური გამოცდა - max 20 ქულა); დასკვნითი შეფასება - max 40 ქულა. შუალედური გამოცდა მოიცავს გამოცდის ჩატარების მომენტისთვის შესწავლილ მასალას, დასკვნითი და დამატებითი შეფასებები - მთელ შესწავლილ მასალას. ბნსუ-ში გამოცდისთვის დროის ლიმიტია დადგენილი. გამოცდები შეიძლება ჩატარდეს ორშაბათი-შაბათის პერიოდში (ცხრილი განთავსდება საინფორმაციო დაფაზე ან/და ვებგვერდზე); 3) სასწავლო კურსების განხორციელებასთან და სტუდენტის შეფასებასთან დაკავშირებული საკითხები მითითებულია სილაბუსში;
- **პრაქტიკა** - ა) საწარმოო/სხვ. პრაქტიკა: 1) სემესტრის ორგანიზება სილაბუსის შესაბამისად (პრაქტიკის ობიექტზე მუშაობა, შუალედური შეფასებები და სხვ.; პრაქტიკის ანგარიშის საჯარო დაცვა, დამატებითი საჯარო დაცვა (ტარდება დასკვნითი შეფასების შემაჯამებელი ქულის გამოცხადებიდან არანაკლებ 05 კალენდარულ დღეში), 2) სტუდენტის შეფასება (სულ 100 ქულა), მათ შორის - შუალედური შეფასება - max 60 ქულა (მოიცავს მენტორის მიერ სტუდენტის შეფასებებს), დასკვნითი შეფასება - max 40 ქულა (პრაქტიკის ანგარიშის შეფასება პრაქტიკის ხელმძღვანელის მიერ (max 20 ქულა) და ნაშრომის (ანგარიშის) ზეპირი წარდგენა - საჯარო დაცვა (max 20 ქულა), რომელიც ტარდება პრეზენტაციის ფორმით და ფასდება საჯარო დაცვის კომისიის მიერ). ბნსუ-ში საჯარო დაცვისთვის (პრეზენტაციის წარდგენისთვის) დროის ლიმიტია დადგენილი. საჯარო დაცვები შეიძლება ჩატარდეს ორშაბათი-შაბათის პერიოდში (ცხრილი განთავსდება საინფორმაციო დაფაზე ან/და ოფიციალურ ვებგვერდზე); 3) პრაქტიკის განხორციელებასთან და სტუდენტის შეფასებასთან დაკავშირებული საკითხები მითითებულია პრაქტიკის სილაბუსში;
- **საბაკალავრო ნაშრომი** (საბაკალავრო პროგრამა) - 1) სემესტრის ორგანიზება სილაბუსის შესაბამისად (საბაკალავრო ნაშრომის მომზადება, ნაშრომის ხელმძღვანელთან მუშაობა, შუალედური შეფასებები და სხვ., ნაშრომის საჯარო დაცვა, დამატებითი დაცვა (ტარდება ნაშრომის და საჯარო დაცვის შემაჯამებელი ქულის გამოცხადებიდან არანაკლებ 5 კალენდარულ დღეში); 2) სტუდენტის შეფასება (სულ 100 ქულა), მათ შორის: შუალედური შეფასება - max 60 ქულა (მოიცავს ნაშრომის ხელმძღვანელს მიერ შეფასებებს), დასკვნითი შეფასება - max 40 ქულა (მოიცავს უშუალოდ საბაკალავრო ნაშრომის შეფასებას (max 20 ქულა) და მის საჯარო დაცვას (max 20 ქულა), ტარდება პრეზენტაციის ფორმით, ფასდება საჯარო დაცვის კომისიის მიერ). ბნსუ-ში საჯარო დაცვისთვის (პრეზენტაციის წარდგენისთვის) დროის ლიმიტია დადგენილი. დაცვები შეიძლება ჩატარდეს ორშაბათი - შაბათის პერიოდში (ცხრილი განთავსდება საინფორმაციო დაფაზე ან/და ვებგვერდზე); 3) საბაკალავრო ნაშრომის შესრულებასთან და სტუდენტის შეფასებასთან დაკავშირებული საკითხები მითითებულია საბაკალავრო ნაშრომის სილაბუსში.



- **სამაგისტრო ნაშრომი** (სამაგისტრო პროგრამა) - 1) სემესტრის ორგანიზება სამაგისტრო ნაშრომის სილაბუსის შესაბამისად (სამაგისტრო ნაშრომის მომზადება, სამაგისტრო ნაშრომის ხელმძღვანელთან მუშაობა და სხვ. ნაშრომის ჩაბარება და პლაგიატზე შემოწმება, ნაშრომის საჯარო დაცვა); 2) სტუდენტის შეფასება: სამაგისტრო ნაშრომი არის პროგრამის სამეცნიერო-კვლევითი კომპონენტი, რომელიც ფასდება მხოლოდ დასკვნითი შეფასებით (max 100 ქულა), რომელიც მოიცავს: ა) უშუალოდ სამაგისტრო ნაშრომის შეფასებას - max 100 ქულა, რომელიც მთლიანი შეფასების max 98%-ს შეადგენს (ნაშრომი ფასდება საჯარო დაცვის კომისიის წევრების - დარგის სპეციალისტების მიერ ინდივიდუალურად, თითოეულის max შეფასება - 100 ქულა, სამაგისტრო ნაშრომის შეფასება (ქულა) წარმოადგენს შემფასებლების მიერ მინიჭებული შეფასებების (ქულების) საშუალოარიტმეტიკულ სიდიდეს), და ბ) საჯარო დაცვაზე ნაშრომის ზეპირ წარდგენაში მიღებულ შეფასებას (max 100 ქულა), რომელიც საბოლოო შეფასების max 2%-ს შეადგენს (ნაშრომის წარდგენა ხდება პრეზენტაციის ფორმით, ფასდება საჯარო დაცვის კომისიის მიერ). ბნსუ-ში საჯარო დაცვისთვის (პრეზენტაციის წარდგენისთვის) დროს ლიმიტია დადგენილი. დაცვები შეიძლება ჩატარდეს ორმაზბთი-შაბათის პერიოდში (ცხრილი განთავსდება საინფორმაციო დაფაზე ან/და ვებგვერდზე); 3) სამაგისტრო ნაშრომის შესრულებასთან და სტუდენტის შეფასებასთან დაკავშირებული საკითხები მითითებულია სამაგისტრო ნაშრომის სილაბუსში.

4. პროგრამის კომპონენტების სრული ჩამონათვალი, შესწავლის წინაპირობები და თანმიმდევრობა, კრედიტების რაოდენობა და სხვ. ასახულია პროგრამის სასწავლო გეგმაში. პროგრამის კომპონენტების დასახელება, სტატუსი, სწავლების ენა, დაშვების წინაპირობები, კრედიტების, საკონტაქტო და დამოუკიდებელი საათების რაოდენობა, მიზნები და შედეგები, შეფასების სისტემა, სწავლების მეთოდები და პროგრამის კომპონენტის შესწავლასთან დაკავშირებული სხვა ინფორმაცია ასახულია შესაბამის სილაბუსებში.

**8. სწავლების ენა**

1. ბნსუ-ში სწავლების ენა არის ქართული. დასაშვებია უცხოურ ენაზე პროგრამის ცალკეული კომპონენტის შეთავაზება. პროგრამის მხოლოდ უცხოურ ენაზე წარმართვა დაშვებულია, თუ ეს გათვალისწინებულია საერთაშორისო ხელშეკრულებით ან შეთანხმებული საქართველოს განათლებისა და მეცნიერების სამინისტროსთან.

**9. სწავლა-სწავლების მეთოდები**

1. სწავლების მეთოდი არის ცოდნის გადაცემის საშუალება, როგორცაა: ლექცია, სამუშაო ჯგუფში მუშაობა, პრაქტიკული / ლაბორატორიული მუშაობა, სემინარი, ელექტრონული რესურსით სწავლება და სხვ. (მითითება სილაბუსში). სწავლების პროცესში ხდება სხვადასხვა მეთოდების და აქტივობების გამოყენება, მაგალითად:

- ახსნა-განმარტება - გულისხმობს კონკრეტულ საკითხის განმარტებას და დეტალურ განხილვას;
- დისკუსია/დებატები - გულისხმობს ინტერაქტიულ სწავლებას, მიმართულია საკუთარი აზრის მკაფიოდ, ლოგიკურად და დასაბუთებულად გადმოცემის და სხვისი მოსაზრების ოპონირების უნარის ჩამოყალიბება-განვითარებაზე;
- ჯგუფური (collabative) მუშაობა - გულისხმობს სტუდენტთა ჯგუფებად დაყოფას, ჯგუფის წევრებს შორის ფუნქციების გადანაწილებას და ჯგუფის მიერ დავალების ერთობლივად შესრულებას;
- პრობლემაზე დაფუძნებული სწავლება (PBL) - გულისხმობს საწყის ეტაპად კონკრეტული პრობლემის გამოყენებას, მიმართულია მისი შესწავლა-შეფასებაზე, გადაჭრის გზების ძიებაზე და მოსალოდნელი შედეგების განსაზღვრასა და შეფასებაზე;
- თანამშრომლობითი (cooperative) სწავლება - გულისხმობს სტუდენტების ურთიერთდახმარებას;
- ევრისტიკული მეთოდი - გულისხმობს პრობლემის/ამოცანის პირობების ანალიზს, ძირითადი პრობლემის კერძო ასპექტებად დაყოფას, მათ შორის არსებული მიზეზ-შედეგობრივი კავშირების დადგენა-შეფასებას, პრობლემის გადაწყვეტის პიპოთეზის ჩამოყალიბებას და გადაჭრის თანმიმდევრული ეტაპების დადგენას;
- შემთხვევის ანალიზი (Case study) - გულისხმობს კონკრეტული შემთხვევის ყოველმხრივ განხილვას, ანალიზს, შემთხვევის ცალკეულ ასპექტებს შორის მიზეზ-შედეგობრივ კავშირების დადგენას;
- დემონსტრირება - გულისხმობს ინფორმაციის აუდიო- და/ან ვიზუალურ წარდგენას;
- გონებრივი იერიში (Brain storming) - გულისხმობს კონკრეტულ საკითხთან/პრობლემასთან და მის გადაჭრასთან დაკავშირებით აზრის, იდეის ჩამოყალიბებას, ახსნას და დასაბუთებას;
- როლური და სიტუაციური თამაშები - მიმართულია სიტუაციის სხვადასხვა ასპექტის გათვალისწინებით არამხოლოდ კონკრეტულ, არამედ რთულ, განსხვავებულ სიტუაციაში ქცევის მოდელის შერჩევა-გამოყენებაზე;
- ინდუქცია - გულისხმობს ინფორმაციის გადმოცემის პროცესში მსჯელობას კონკრეტულიდან/კერძოდან ზოგადისაკენ;
- დედუქცია - გულისხმობს ინფორმაციის გადმოცემის პროცესში მსჯელობას ზოგადიდან კონკრეტულისაკენ/კერძოსაკენ;
- ანალიზი - გულისხმობს კონკრეტული ინფორმაციის/პრობლემის შემადგენელ ასპექტებად დაყოფას და შესწავლა-შეფასებას;
- სინთეზი - გულისხმობს პრობლემის სხვადასხვა ფაქტორების/ასპექტების მთლიანის სახით ჩამოყალიბებას და ერთიან განილვა-შეფასებას;
- ქმედებაზე ორიენტირებული სწავლება - გულისხმობს თეორიული მასალის პრაქტიკულ ინტერპრეტაციას, მიმართულია პრაქტიკული უნარების ჩამოყალიბება-განვითარებაზე;
- ელექტრონული სწავლება (E-learning) - დასწრებული (სწავლების პროცესი მიმდინარეობს საკონტაქტო საათებში, სასწავლო მასალის გადაცემა ხდება ელექტრონული ფორმით); შერეული (სწავლების ნაწილი მიმდინარეობს დისტანციურად, ნაწილი - საკონტაქტო საათებში); დისტანციური (სასწავლო პროცესი მიმდინარეობს დისტანციურად ელექტრონული ფორმით).

2. მეთოდები შეირჩევა პროგრამის კომპონენტის სპეციფიკის გათვალისწინებით და მითითებულია სილაბუსებში. პროგრამის კომპონენტში გამოყენებული მეთოდები უზრუნველყოფენ ამ კომპონენტში დაგეგმილი შედეგების მიღწევას, ხოლო პროგრამის ყველა კომპონენტში გამოყენებული მეთოდების ერთობლიობა - მთლიანად პროგრამით დაგეგმილი შედეგების მიღწევას.

**10. პროგრამით გათვალისწინებული არჩევანის გამჭვირვალობისა და შესაძლებლობის უზრუნველყოფა**

1. არჩევანის გამჭვირვალობის უზრუნველყოფა: პროგრამის სასწავლო გეგმაში და სილაბუსებში მითითებულია პროგრამის კომპონენტის დასახელება, კრედიტების რაოდენობა, შესწავლის წინაპირობები და სხვ. პროგრამების კურიკულუმების და პროგრამებით გათვალისწინებული კომპონენტების სილაბუსების ელ.ვერსიები ატვირთულია ბნსუ-ს სტუდენტთა ელ. ბაზაში და ბნსუ-ს ბიბლიოთეკის კომპიუტერებში, რაც უზრუნველყოფს არჩევანის გამჭვირვალობას;

2. არჩევანის შესაძლებლობის უზრუნველყოფა: პროგრამის სასწავლო გეგმით შეთავაზებული არჩევითი სასწავლო კურსების კრედიტების და „თავისუფალი კრედიტების“ (საბაკალავრო პროგრამების შემთხვევაში) ჯამი უნდა აღემატებოდეს პროგრამის არჩევითი კომპონენტისთვის დადგენილი კრედიტების რაოდენობას. წელიწადში 2-ჯერ (აკადემიური რეგისტრაციის დროს) სტუდენტი ირჩევს სასურველ სასწავლო კურსს (რეგისტრირდება მასზე). სემესტრის დაწყებიდან ერთი კვირის ვადაში მას შეუძლია არჩევანის შეცვლა - რეგისტრაციის გაუქმება და მისთვის სასურველი სხვა სასწავლო კურს(ებ)ის არჩევა.

**11. სტუდენტებთან ინდივიდუალური მუშაობა**

პროგრამის კომპონენტების სილაბუსებში გათვალისწინებულია სტუდენტებთან ინდივიდუალური/დამატებითი მუშაობა (მაგ., კონსულტაციები). ეს საათები არ მიეკუთვნება პროგრამის კომპონენტის კრედიტს და წარმოადგენს სტუდენტის მიღწევების გაუმჯობესების და შესასწავლი საკითხების უკეთ ათვისების ხელშეწყობის მექანიზმს. კონსულტაციები ტარდება სემესტრის განმავლობაში კონსულტაციების ცხრილით განსაზღვრულ დღეებში.

**12. პროგრამაზე სწავლის უფლება**

1. საბაკალავრო საგანმანათლებლო პროგრამაზე სწავლის უფლება აქვს სრული ზოგადი განათლების დამადასტურებელი დოკუმენტის მფლობელს ან მასთან გათანაბრებულ პირს. პროგრამაზე ჩარიცხვა ხდება ერთიანი ეროვნული გამოცდების შედეგების (რანჟირების დოკუმენტის) საფუძველზე. ერთიანი ეროვნული გამოცდების გარეშე ჩარიცხვა ხდება საქართველოს კანონმდებლობით განსაზღვრულ შემთხვევებში დადგენილი წესის შესაბამისად;

2. სამაგისტრო საგანმანათლებლო პროგრამაზე სწავლის უფლება აქვს არანაკლებ ბაკალავრის ან მასთან გათანაბრებული აკადემიური ხარისხის მქონე პირს (რეგულირებადი პროგრამის შემთხვევაში აუცილებელია შესაბამისი ბაკალავრის ან მათთან გათანაბრებული აკადემიური ხარისხი). პროგრამაზე ჩარიცხვა ხდება სამაგისტრო გამოცდის შედეგის (რანჟირების დოკუმენტის) საფუძველზე. საერთო სამაგისტრო გამოცდების გავლის გარეშე დასაშვებია საქართველოს კანონმდებლობით განსაზღვრულ შემთხვევებში დადგენილი წესის შესაბამისად. ბნსუ უფლებამოსილია დააწესოს პროგრამაზე დაშვების დამატებითი პირობები (მაგ., უცხოური ენის ფლობა ან/და სხვ.). ბნსუ-ში მიღებული გამოცდები ტარდება სპეციალობაში და პროგრამის წინაპირობებში მითითებულ უცხოურ ენაში, ბნსუ-ში მოქმედი დებულებებით (ფაკულტეტის დებულებით) განსაზღვრული წესით;

3. საქართველოს კანონმდებლობით დადგენილი და ბნსუ-ს მიერ განსაზღვრული წესით ბნსუ-ს პროგრამით სწავლის გაგრძელება შესაძლებელია მობილობით ბნსუ-ს და სხვა უსდ-ს უმაღლესი განათლების იმავე საფეხურის პროგრამების სტუდენტებისთვის;

4. საქართველოს კანონმდებლობისა და საერთაშორისო საზღვაო ორგანიზაციის ნორმატიული დოკუმენტების (International Convention on Standards of Training, Certification and Watchkeeping for Seafarers, 1978/95, as amended in 2010) შესაბამისად საზღვაო სფეროს პროგრამებით სწავლებისთვის საჭიროა ჯანმრთელობის შესაბამისი მდგომარეობა, რაც აუცილებელია პროგრამის სპეციფიკური კომპონენტების შესწავლისა და დაგეგმილი სწავლის შედეგის მიღწევისთვის. ჯანმრთელობის მდგომარეობა აისახება შესაბამის სამედიცინო მოწმობაში, რომელსაც დადგენილი წესით გასცემს სააგენტოს მიერ შერჩეული სამედიცინო დაწესებულება (ჩამონათვალი განთავსებულია სააგენტოს ვებგვერდზე [www.mta.gov.ge](http://www.mta.gov.ge)).

**13. პროგრამის სწავლის შედეგები. კურსდამთავრებულის კომპეტენციები**

1. საბაკალავრო საგანმანათლებლო პროგრამით მისაღწევ შედეგებს (კურსდამთავრებულის კომპეტენციებს) განსაზღვრავს ეროვნული კვალიფიკაციების ჩარჩო (კვალიფიკაციის დონე - VI), სწავლის სფეროების კლასიფიკატორი და შესაბამისი უმაღლესი განათლების დარგობრივი მახასიათებელი (ასეთის არსებობის შემთხვევაში);

2. სამაგისტრო საგანმანათლებლო პროგრამით მისაღწევ შედეგებს (კურსდამთავრებულის კომპეტენციებს) განსაზღვრავს ეროვნული კვალიფიკაციების ჩარჩო (კვალიფიკაციის დონე - VII), სწავლის სფეროების კლასიფიკატორი და შესაბამისი უმაღლესი განათლების დარგობრივი მახასიათებელი (ასეთის არსებობის შემთხვევაში);

3. საბაკალავრო / სამაგისტრო საგანმანათლებლო პროგრამის სწავლის შედეგები ფორმულირდება ისეთი კატეგორიებით, როგორცაა: ცოდნა და გაცნობიერება, უნარები და/ან პასუხისმგებლობა და ავტონომიურობა.

**14. პროგრამით სწავლის დასრულება. მისანიჭებელი კვალიფიკაცია**

1. საბაკალავრო საგანმანათლებლო პროგრამით სწავლის დასრულება, მისანიჭებელი კვალიფიკაცია: პროგრამა დასრულებულად ითვლება, თუ სტუდენტმა შესრულა პროგრამის მოთხოვნები და ამ მოთხოვნების შესაბამისად მიიღო პროგრამისთვის დადგენილი კრედიტების რაოდენობა. პროგრამის კურსდამთავრებულს მიენიჭება ბაკალავრის აკადემიური ხარისხი, მისანიჭებელი კვალიფიკაციის სახელწოდება განისაზღვრება სწავლის სფეროების კლასიფიკატორის შესაბამისად;

2. სამაგისტრო საგანმანათლებლო პროგრამით სწავლის დასრულება, მისანიჭებელი კვალიფიკაცია: პროგრამა დასრულებულად ითვლება, თუ სტუდენტმა შესრულა პროგრამის მოთხოვნები და ამ მოთხოვნების შესაბამისად მიიღო პროგრამისთვის დადგენილი კრედიტების რაოდენობა. პროგრამის კურსდამთავრებულს მიენიჭება მაგისტრის აკადემიური ხარისხი. მისანიჭებელი კვალიფიკაციის სახელწოდება განისაზღვრება სწავლის სფეროების კლასიფიკატორის შესაბამისად;

3. აკადემიური ხარისხის მინიჭების შემდეგ გაიცემა აღნიშნულის დამადასტურებელი დიპლომი და დიპლომის დანართი;

4. პირს, რომელმაც არ ან ვერ დაასრულა განათლების შესაბამისი საფეხური, ეძლევა სათანადო მოწმობა საგანმანათლებლო პროგრამის შესაბამისი სასწავლო კურსების/მოდულების მოსმენის შესახებ.

**მუხლი 3. სტუდენტის დატვირთვა. სასწავლო განრიგი**

**1. პროგრამის მოცულობა**

1. სტუდენტის დატვირთვას გამოხატავს კრედიტი - ერთეული, რომელიც მოიცავს დაგეგმილი სწავლის შედეგების მისაღწევად საჭირო დამოუკიდებელ და საკონტაქტო საათებს. საკონტაქტო საათი - პროგრამის პერსონალის ჩართულობით სტუდენტის საქმიანობისთვის განსაზღვრული დრო, დამოუკიდებელი საათი - პროგრამის პერსონალის ჩართულობის გარეშე სტუდენტის საქმიანობის დრო. დამატებითი გამოცდისთვის/დაცვისთვის (მოზადება, ჩაბარება, შეფასება), კონსულტაციებისთვის განსაზღვრული დრო არ წარმოადგენს კრედიტის შემადგენელ ნაწილს. კრედიტის მიღება შესაძლებელია მხოლოდ დაგეგმილი სწავლის შედეგების მიღწევის შემთხვევაში, რაც გამოიხატება კანონმდებლობით გათვალისწინებული ერთ-ერთი დადებითი შეფასებით (51-100 ქულა);

2. საგანმანათლებლო პროგრამის მოცულობა:

- საბაკალავრო საგანმანათლებლო პროგრამები: არანაკლებ 240 კრედიტი;
- სამაგისტრო საგანმანათლებლო პროგრამები: არანაკლებ 120 კრედიტი.
- საქართველოს კანონმდებლობით განსაზღვრულ შემთხვევებში, ბნსუ-ს გადაწყვეტილებით მის მიერ განხორციელებული პროგრამების მოცულობა შესაძლებელია იყოს:
  - საბაკალავრო საგანმანათლებლო პროგრამები: არანაკლებ 180 კრედიტი
  - სამაგისტრო საგანმანათლებლო პროგრამები: არანაკლებ 60 კრედიტი.

**2. სწავლის ხანგრძლივობა. სწავლის ვადის გაგრძელება (დამატებითი სემესტრი)**

1. საგანმანათლებლო პროგრამით სწავლის ხანგრძლივობა (ძირითადი ვადა)

- საბაკალავრო საგანმანათლებლო პროგრამები (240 კრედიტის შემთხვევაში): არანაკლებ 8 სემესტრი
- სამაგისტრო საგანმანათლებლო პროგრამები (120 კრედიტის შემთხვევაში): არანაკლებ 4 სემესტრი

- საბაკალავრო საგანმანათლებლო პროგრამები (180 კრედიტის შემთხვევაში): 6 სემესტრი
  - სამაგისტრო საგანმანათლებლო პროგრამები (60 კრედიტის შემთხვევაში): 2 სემესტრი.
- საბაკალავრო პროგრამის შემთხვევაში სემესტრების რაოდენობა შესაძლოა განსხვავდებოდეს მითითებულისაგან - პროგრამის სემესტრების რაოდენობის განსაზღვრისას მხედველობაში მიიღება შემდეგი გარემოებები: ა) დასაშვებია წლიური დატვირთვა (ყოველწლიური დატვირთვა საშუალოდ შეადგენს 60 კრედიტს, თუმცა პროგრამის თავისებურებების გათვალისწინებით შესაძლებელია წლიური დატვირთვა იყოს 60 კრედიტზე ნაკლები ან მეტი, მაგრამ არაუმეტეს 75 კრედიტისა); ბ) პროგრამის თავისებურებები (პროგრამის სტრუქტურა, სწავლის ორგანიზება და პროგრამისთვის განსაზღვრულ ვადაში დაგეგმილი შედეგების მიღწევის შესაძლებლობა).
2. საგანმანათლებლო პროგრამით სწავლის ვადის გაგრძელება (დამატებითი სემესტრები)
    - საბაკალავრო საგანმანათლებლო პროგრამები: +4 სემესტრი
    - სამაგისტრო საგანმანათლებლო პროგრამები: +2 სემესტრი
  3. დამატებით სემესტრებში სწავლის გაგრძელება დასაშვებია, თუ ამისთვის დადგენილ ვადაში იქნება შესაძლებელი პროგრამის მოთხოვნების შესრულებით კვალიფიკაციის მისანიჭებლად აუცილებელი კრედიტების მიღება (წელიწადში არაუმეტეს 75 კრედიტის პირობით).

**3. სტუდენტის დატვირთვა. სასწავლო განრიგი**

1. ბნსუ-ში:
  - 1 კრედიტი = 26 საათს (მოიცავს საკონტაქტო და დამოუკიდებელ საათებს);
  - 1 აკადემიური საათი უდრის 1 ასტრონომიულ საათს. ერთ აკადემიურ საათში მოიაზრება: 50 წუთი სააუდიტორო დრო + 10 წუთი შესვენება;
  - 1 აკადემიური წელი მოიცავს 2 სემესტრს - შემოდგომის სემესტრი (20 კვირა) და გაზაფხულის სემესტრი (24 კვირა) - და არდადეგებს მათ შორის;
  - სემესტრი მოიცავს სასწავლო კვირათა ერთობლიობას, დამატებითი გამოცდების/დაცვების (პროგრამის სასწავლო კომპონენტების შემთხვევაში) ჩატარებისა და ამ გამოცდებზე/დაცვებზე სტუდენტის შეფასების პერიოდის ჩათვლით;
  - სასწავლო კვირა არის დროის პერიოდი, რომელიც მოიცავს როგორც საკონტაქტო, ასევე დამოუკიდებელ დროში შესასრულებელი აქტივობების ერთობლიობას;
  - 1 აკადემიური წელი საშუალოდ მოიცავს 60 კრედიტს. საგანმანათლებლო პროგრამის ან სტუდენტის ინდივიდუალური სასწავლო პროგრამის თავისებურებების გათვალისწინებით, დასაშვებია სტუდენტის წლიური დატვირთვა იყოს 60 კრედიტზე ნაკლები ან მეტი, მაგრამ არაუმეტეს 75 კრედიტისა;
2. ბნსუ უფლებამოსილია მაგისტრატურის საგანმანათლებლო პროგრამის სწავლება-სწავლის პროცესი განხორციელოს არასრული დატვირთვით (ერთი აკადემიური წელი მოიცავს საშუალოდ 30 (ECTS) კრედიტს, ხოლო სტუდენტის სასწავლო დატვირთვა კვირაში - დამოუკიდებელი და საკონტაქტო საათების ჯამური მოცულობით არაუმეტეს 25 საათისა);
3. საკონტაქტო საათებში გათვალისწინებული საქმიანობა ტარდება პროგრამის სასწავლო გეგმის და პროგრამის კომპონენტების სილაბუსების საფუძველზე ერთი სემესტრისათვის შედგენილი ცხრილების მიხედვით, რომლებიც განთავსებულია ბნსუ-ს საინფორმაციო დაფაზე და/ან ვებგვერდზე;
4. ბნსუ-ში სასწავლო პროცესი მიმდინარეობს სასწავლო ჯგუფებისთვის დადგენილი განრიგით (მეცადინეობების, გამოცდების, კონსულტაციების ცხრილებით). განსაკუთრებულ შემთხვევებში, როდესაც საპატიო მიზეზის გამო შეუძლებელია ამ განრიგის დაცვა, სტუდენტის ხელშეწყობის მიზნით: ა) სტუდენტს შეძლების სხვა სასწავლო ჯგუფ(ებ)ისთვის დადგენილ დღეებში/საათებში მეცადინეობებზე და კონსულტაციებზე დასწრებას, გამოცდებზე/დაცვებზე და დამატებით გამოცდებზე/დაცვებზე გასვლას; ბ) შეიძლება შემუშავდეს ინდივიდუალური სასწავლო გეგმა. ბნსუ-ში ინდივიდუალური სასწავლო გეგმის შემუშავების და სარგებლობის საკითხებს არეგულირებს „ინდივიდუალური გეგმის შემუშავებისა და განხორციელების წესი“.

**4. საზღვაო-საინჟინრო ფაკულტეტის სტუდენტების საზღვაო/საცურაო პრაქტიკა**

1. ეს წესი შემუშავებულია საზღვაო-საინჟინრო ფაკულტეტის სტუდენტის რეალურ სამუშაო გარემოში პრაქტიკული უნარების შეძენისა და საცურაო გამოცდების მიღების ხელშეწყობის მიზნით. წესი ითვალისწინებს პროგრამის საზღვაო პრაქტიკის (შემდგომში - პრაქტიკა) მიზნებისთვის საზღვაო რეისში შესრულებული სამუშაოს და მიღწეული კომპეტენციების ჩათვლის შესაძლებლობას;
2. საზღვაო რეისში გასვლამდე სტუდენტმა განცხადებით უნდა მიმართოს საზღვაო-საინჟინრო ფაკულტეტის დეკანს. განცხადებას უნდა დაერთოს საზღვაო რეისში გასვლის დამადასტურებელი დოკუმენტი;
3. ფაკულტეტის დეკანი, პროგრამის ხელმძღვანელი და დარგის სპეციალისტები განიხილავენ სტუდენტის განცხადებას და თანდართულ დამადასტურებელ დოკუმენტებს და ადგენენ რამდენად შესაძლებელი იქნება საზღვაო რეისში ყოფნის ხანგრძლივობა და შესასრულებელი სამუშაო ჩაითვალოს პრაქტიკის ობიექტზე შესასრულებელ სამუშაოდ. მიღებული დასკვნა ეგნობა სტუდენტს. უარყოფითი დასკვნის შემთხვევაში სტუდენტისთვის უნდა იყოს ცნობილი, რომ საზღვაო რეისში მის მიერ შესრულებული სამუშაო არ ჩაითვლება პრაქტიკის მიზნებისთვის და არ იქნება განხილული რეისიდან დაბრუნების შემდგომ წარდგენილი საბუთები. დადებითი დასკვნის შემთხვევაში სტუდენტს უნდა განემართოს ამ მუხლში მითითებული პირობები და წესები. საზღვაო რეისში მყოფ სტუდენტს უნდა ჰქონდეს ელ.ფოსტა, რომლის მეშვეობით მას შეეძლება ბნსუ-სთან დაკავშირება, ინფორმაციის, კონსულტაციების, საჭიროების შემთხვევაში - სახელმძღვანელოების და სხვა სასწავლო მასალის ელ. ვერსიების მიღება და ა.შ.;
4. საზღვაო რეისში შესრულებული სამუშაო შეიძლება ჩაეთვალოს პრაქტიკის მიზნებისთვის მხოლოდ იმ შემთხვევაში, თუ იქნება დაკმაყოფილებული ყველა ქვემოთ მითითებული პირობა, კერძოდ:
  - საზღვაო რეისში გასვლამდე სტუდენტმა განცხადებით მიმართა ფაკულტეტის დეკანს და წარადგინა რეისში გასვლის დამადასტურებელი დოკუმენტი;
  - განცხადების წარდგენის მომენტისთვის სტუდენტს აქვს აქტიური სტატუსი;
  - სტუდენტს შესრულებული აქვს პრაქტიკის წინაპირობები (მითითებულია პრაქტიკის სილაბუსში);
  - სტუდენტის მიერ საზღვაო რეისში შესრულებული სამუშაო შეესაბამება პრაქტიკის სილაბუსში მითითებულ მიზნებს და დაგეგმილ შედეგებს;
  - სტუდენტის მიერ საზღვაო რეისში შესრულებული სამუშაოს მოცულობა გამოხატული ასტრონომიულ საათებში (მიიჩნევა საკონტაქტო საათებად) არ არის ნაკლები საცურაო პრაქტიკის სილაბუსში მითითებული საკონტაქტო საათების რაოდენობისა (საკონტაქტო საათების რაოდენობის გამოთვლის წესი: 01 კვირაში 40 სთ x საზღვაო რეისში გატარებული კვირების რაოდენო-



- ბაზე. თუ გამოთვლის შედეგად მიღებული საათების რაოდენობა აღემატება სილაბუსში მითითებულ საათებს, მაშინ სტუდენტს ჩათვლება მხოლოდ სილაბუსში მითითებული (ნორმირებული) საკონტაქტო საათების რაოდენობა);
- საზღვაო რეისიდან დაბრუნებისთანავე სტუდენტმა ფაკულტეტის დეკანს უნდა წარუდგინოს: ა) რეისში ყოფნის დამადასტურებელი დოკუმენტი (საზღვაო რეისში ყოფნის ვადების მითითებით); ბ) საზღვაო რეისში ყოფნისას მისი უშუალო ხელმძღვანელის (მიიხნევა პრაქტიკის მენტორად) დასკვნა, სადაც მითითებულია სტუდენტის მიერ შესრულებული სამუშაო და დახასიათება;
  - ზემოთ მითითებული დოკუმენტების წარდგენა მოხდა ისეთ ვადაში, რომ სემესტრის დასრულებამდე დარჩენილ პერიოდში შესაძლებელია წარდგენილი დოკუმენტების შესწავლა, სილაბუსით დადგენილი მოთხოვნების შესრულება, დასკვნითი გამოცდის ჩატარება, გამოცდის შედეგის გამოცხადებიდან არანაკლებ 5 დღეში დამატებითი გამოცდის ჩატარება, სტუდენტის შეფასება და შედეგის გამოცხადება.
5. გადაწყვეტილება საზღვაო რეისში შესრულებული სამუშაოს პრაქტიკის მიზნებისთვის ჩათვლის შესახებ მიიღება ფაკულტეტის დეკანის მიერ დარგის სპეციალისტებისგან შექმნილი ჯგუფის დასაბუთებული დასკვნის საფუძველზე. ჯგუფი შეისწავლის საზღვაო რეისში შესრულებული სამუშაოს სპეციფიკას და მოცულობას, საზღვაო რეისში სტუდენტის უშუალო ხელმძღვანელის მიერ მომზადებულ დასკვნას და სხვ. დასკვნით გამოცდაზე (ანგარიშის საჯარო დაცვაზე) სტუდენტი დაიშვება, თუ დაკმაყოფილებულია ყველა ზემოთ მითითებული მოთხოვნა და გამოცდაზე დაშვების წინაპირობა. დასკვნითი გამოცდა და დამატებითი გამოცდა შეიძლება ჩატარდეს როგორც პრაქტიკის სილაბუსში მითითებულ, ისე განსხვავებულ თარიღში (ამ შემთხვევაში მოქმედებს ინდივიდუალური სასწავლო განრიგის შემუშავების წესი);
6. სტუდენტს, რომელიც არ იქნება დაშვებული დასკვნით გამოცდაზე, პროგრამის კომპონენტში „საზღვაო პრაქტიკა“ უფიქსირდება შეფასება F. პრაქტიკაში კრედიტი მიღებულად ჩაითვლება, თუ შუალედური და დასკვნითი შეფასების ქულათა დაჯამებით გროვდება ერთ-ერთი დადებითი შეფასების შესაბამისი ქულა;
7. საზღვაო რეისში გასვლის დამადასტურებელ დოკუმენტად მიიჩნევა საკრუინგო კომპანიასთან/სხვა დამასაქმებელთან გაფორმებული შრომითი ხელშეკრულება/კონტრაქტი/სხვ. საზღვაო რეისში ყოფნის დამადასტურებელ დოკუმენტად მიიჩნევა საკრუინგო კომპანიის/სხვა დამასაქმებლის ან უფლებამოსილი პირის მიერ გაცემული ცნობა/სხვ., მეზღვაურის წვრთნის საადრიცხო წიგნაკი, რომელიც წარმოადგენს დოკუმენტურ მტკიცებულებას. საზღვაო რეისში გასვლის/რეისში ყოფნის დამადასტურებელ ცნობაში უნდა იყოს მითითებული: 1) იურიდიული პირის შეთხვევაში - დოკუმენტის გამცემი დაწესებულების დასახელება, ფაქტობრივი მისამართი, საკონტაქტო ტელეფონის ნომერი, ცნობის სარეგისტრაციო ნომერი, ცნობის გაცემის თარიღი, ინფორმაცია სტუდენტის საზღვაო რეისში გასვლის და რეისიდან დაბრუნების თარიღების შესახებ, ცნობა უნდა დასტურდებოდეს ხელმოწერის უფლებამოსილი პირის (მისი ვინაობის და თანამდებობის მითითებით) ხელმოწერით და დაწესებულების ბეჭდით; 2) ფიზიკური პირის (სტუდენტის უშუალო ხელმძღვანელი, გემის კაპიტანი, ცნობის გაცემის და ხელმოწერის სხვა უფლებამოსილი პირი) შეთხვევაში - დოკუმენტის გამცემის სახელი და გვარი, თანამდებობა, საკონტაქტო მონაცემები (ტელეფონის ნომერი, ელ.ფოსტის მისამართი), დოკუმენტის გაცემის თარიღი და საფუძველი, ინფორმაცია სტუდენტის საზღვაო რეისში გასვლის და რეისიდან დაბრუნების თარიღების შესახებ, დოკუმენტი უნდა დასტურდებოდეს გამცემი პირის ხელმოწერით. სტუდენტის მიერ წარმოდგენილ დოკუმენტში მოთხოვნილი ინფორმაციის არარსებობის შემთხვევაში წარმოდგენილი დოკუმენტი მხედველობაში არ მიიღება და საზღვაო რეისში სტუდენტის მიერ შესრულებული სამუშაო არ ჩაითვლება პროგრამის საცურო პრაქტიკის მიზნებისთვის (არ მოხდება წარმოდგენილი დოკუმენტების, პრაქტიკის დღიურის და პრაქტიკის ანგარიშის განხილვა და სხვ.);
8. ბნსუ იტოვებს უფლებას გადაამოწმოს წარმოდგენილი დოკუმენტის ნამდვილობა.

**მუხლი 4. სტუდენტის შეფასება**

**1. შეფასების ძირითადი პრინციპები და მიზნები**

1. სტუდენტის შეფასების ძირითადი პრინციპებია:
- საჯაროობის პრინციპი – შეფასებასთან დაკავშირებული ინფორმაცია უნდა იყოს თანაბრად ხელმისაწვდომი ყველასთვის;
  - გამჭვირვალობის პრინციპი – ინფორმაცია შეფასების სისტემის, შეფასების ფორმების, კომპონენტების, მეთოდებისა და კრიტერიუმების და შეფასების პერიოდულობის შესახებ უნდა იყოს სრული და ამომწურავი;
  - თანასწორობის პრინციპი – ყველა სტუდენტი უნდა იმყოფებოდეს თანაბარ პირობებში. თითოეულს უნდა მიეცეს თანაბარი შესაძლებლობა კომპეტენციების გამოსავლენად;
  - სამართლიანობის პრინციპი – ყველა სტუდენტის შეფასება უნდა მოხდეს ერთიანი წესით.
2. შეფასების მიზანია განსაზღვროს სტუდენტის მიღწევების დონე და მათი შესაბამისობა პროგრამით დაგეგმილ შედეგებთან.

**2. სტუდენტთა შეფასების წესი**

1. ბნსუ-ში სტუდენტთა შეფასება ხდება მოქმედი კანონმდებლობის შესაბამისი 100-ქულიანი სისტემით:

შეფასებები	ქულა	შეფასება	
5 დადებითი შეფასება	91 – 100	A	ფრიადი
	81 – 90	B	ძალიან კარგი
	71 – 80	C	კარგი
	61 – 70	D	დამაკმაყოფილებელი
	51 – 60	E	საკმარისი
2 უარყოფითი შეფასება	41 – 50	Fx	ვერ ჩააზარა (სტუდენტს ჩააზარებლად მეტი მუშაობა სჭირდება: ა) სასწავლო კომპონენტების (სასწავლო კურსი/პრაქტიკა) შემთხვევაში - სტუდენტს ეძლევა დამოუკიდებელი მუშაობით დამატებით გამოცდაზე ერთ-ხელ გასვლის უფლება; ბ) სამაგისტრო ნაშრომის შემთხვევაში სტუდენტს ეძლევა მომდევნო სემესტრის განმავლობაში გადაამუშავებული სამაგისტრო ნაშრომის წარდგენის შესაძლებლობა)
	40 – 0	F	ჩაიჭრა (სტუდენტის მიერ ჩატარებული სამუშაო არ არის საკმარისი: ა) სასწავლო კომპონენტების შემთხვევაში - მას საგანი ახლიდან აქვს შესასწავლი/პრაქტიკა ახლიდან აქვს გასაულებლი; ბ) სამაგისტრო ნაშრომის შემთხვევაში - სტუდენტი კარგავს იმავ ნაშრომის წარდგენის უფლებას)

2. პროგრამის სასწავლო კომპონენტის (სასწავლო კურსი, პრაქტიკა, საბაკალავრო ნაშრომი) შეფასება მოიცავს შუალედურ შეფასებას (ე.წ. „მიმდინარე შეფასებები“ და შუალედური გამოხდა) და დასკვნით შეფასებას, რომელთა ჯამი წარმოადგენს პროგრამის კომპონენტის საბოლოო შეფასებას. ბნსუ-ში მოქმედ 100-ქულიანი სისტემაში: 1) შუალედური შეფასების ხვედრითი წილია max 60



ქულა (საზღვაო პრაქტიკის შემთხვევაში - 80 ქულა). მისი მინიმალური კომპეტენციის ზღვარია: სასწავლო კურსი - 21 ქულა („საზღვაო ნავიგაციის“ და „გემის მექანიკის“ საბაკალავრო პროგრამების საზღვაო დარგობრივ სასწავლო კურსებში - 31 ქულა), საწარმოო პრაქტიკა, საბაკალავრო ნაშრომი - 31 ქულა; საზღვაო პრაქტიკა - 41 ქულა; 2) დასკვნითი შეფასება - max 40 ქულა (საზღვაო პრაქტიკის შემთხვევაში - max 20 ქულა) და მინიმალური კომპეტენციის ზღვარი არის - 20 ქულა (საზღვაო პრაქტიკა - 10 ქულა). დასკვნითი შეფასებაზე გასვლის უფლება ეძლევა სტუდენტს, რომელსაც სილაბუსის მოთხოვნათა შესაბამისად (ასეთის არსებობის შემთხვევაში) შეფასების შუალედურ კომპონენტში გადაღებული აქვს მინიმალური კომპეტენციის ზღვარი. დაუშვებელია კრედიტის მინიჭება შეფასების მხოლოდ შუალედური ან დასკვნითი შეფასების გამოყენებით. Fx შეფასების მიღების შემთხვევაში დამატებითი შეფასება (გამოცდა/დაცვა) დანიშნება დასკვნითი შეფასების შედეგების გამოცხადებიდან არანაკლებ 05 კალენდარულ დღეში. დამატებითი შეფასებაზე მიღებულ შეფასებას არ ემატება დასკვნითი შეფასებაში უკვე მიღებული ქულათა რაოდენობა. დამატებითი შეფასებაზე მიღებული შეფასება არის დასკვნითი შეფასება და აისახება პროგრამის კომპონენტის საბოლოო შეფასებაში. დამატებითი შეფასებაზე მიღებული ქულების გათვალისწინებით პროგრამის კომპონენტის საბოლოო შეფასებაში 0-50 ქულის მიღების შემთხვევაში, სტუდენტს უფორმდება შეფასება F. შეფასების შედეგი გამოცხადდება: დასკვნითი გამოცდის ჩატარების დღიდან არაუმეტეს 05 დღეში (სასწავლო კურსი), საჯარო დაცვის/გამოცდის ჩატარებდან - არაუმეტეს 02 კალენდარულ დღეში (პრაქტიკები, საბაკალავრო ნაშრომი), დამატებითი შეფასების ჩატარებიდან - არაუგვიანეს მომდევნო კალენდარული დღისა;

3. პროგრამის სამეცნიერო-კვლევითი კომპონენტი (სამაგისტრო ნაშრომი) ფასდება ერთჯერადად, დასკვნითი შეფასებით - სულ 100 ქულა (უშუალოდ სამაგისტრო ნაშრომის შეფასებაში მინიმალური კომპეტენციის ზღვარი შეადგენს მაქსიმალური შესაძლო 100 ქულიდან 51 ქულას). სამაგისტრო ნაშრომი ფასდება იმავე ან მომდევნო სემესტრში, რომელშიც სტუდენტი დაასრულებს მასზე მუშაობას. სამაგისტრო ნაშრომში Fx შეფასების მიღების შემთხვევაში სტუდენტს უფლება ეძლევა გადაამუშავებული სამაგისტრო ნაშრომი წარადგინოს მომდევნო სემესტრის განმავლობაში (მიღებული შეფასება არის საბოლოო შეფასება), ერთი დადებითი შეფასების ვერმიღების შემთხვევაში სტუდენტს უფორმდება შეფასება F. F შეფასების მიღების შემთხვევაში სტუდენტი კარგავს იგივე სამაგისტრო ნაშრომის წარდგენის უფლებას. შეფასების შედეგი გამოცხადდება საჯარო დაცვის ჩატარების დღიდან არაუმეტეს 02 კალენდარულ დღეში;

4. კრედიტის მიღება შესაძლებელია მხოლოდ სტუდენტის მიერ პროგრამის კომპონენტის სილაბუსით დაგეგმილი სწავლის შედეგების მიღწევის შედეგად, რაც გამოიხატება მოქმედი კანონმდებლობით გათვალისწინებული ერთ-ერთი დადებითი შეფასებით;

5. პროგრამის კომპონენტით გათვალისწინებული სტუდენტის შეფასების სისტემა (შეფასების ფორმები, კომპონენტები, მეთოდები და კრიტერიუმები) მითითებული პროგრამის კომპონენტის პროგრამაში (სილაბუსში).

**3. აკადემიური მოსწრების მაჩვენებლები (კოეფიციენტები). GPA**

ქვემოთ მოცემული აკადემიური მოსწრების მაჩვენებლების (კოეფიციენტების) გაანგარიშების მიზანია ბნსუ-ში მიღებული შეფასებების აღიარების გამარტივება იმ უსდ-ის მიერ, რომელიც იყენებს საქართველოში მოქმედისგან განსხვავებულ, მათ შორის, GPA (Grade Point Average) შეფასების სისტემას, და საქართველოში მოქმედ შეფასების სისტემასთან ასეთ უსდ-ში მიღებული შეფასებების თავსებადობის დადგენა. სემესტრის/აკადემიური წლის GPA დამოკიდებულია სემესტრში/აკადემიური წლის განმავლობაში მისაღები და სტუდენტის მიერ მიღებული კრედიტების რაოდენობაზე და პროგრამის კომპონენტებში მიღებულ შეფასებებზე (ქულებზე). ქვემოთ მოცემული გამოთვლები შესრულდება დამატებითი გამოცდების/დაცვების ჩატარების შემდეგ, რადგან Fx შეფასების შემთხვევაში სტუდენტს დამატებითი გამოცდაზე/დაცვაზე მიღებული შეფასებით შეიძლება დაურთოვდეს ერთ-ერთი დადებითი შეფასების შესაბამისი ქულა (კრედიტი ჩაეთვალოს/მიღებულად). გაანგარიშებისას მიღებული ციფრები მრგვალდება შემდეგი პრინციპით: ოთხი და ოთხს ქვევით - სიმცირისაკენ, ხოლო ხუთი და ზევით - მეტობისაკენ.

1. პროგრამის კომპონენტის/სასწავლო კურსის შეწონილი ნიშანი Course Weighted Mark (CWM) და GPA. პროგრამის კომპონენტის შეწონილი ნიშანი „CWM“ (Course Weighted Mark): პროგრამის კომპონენტში მიღებული შეფასების ქულა „GP“ (Grade Point, ქვემოთ მოცემული ცხრილის „4“ სვეტი) მრავლდება ამ კომპონენტის კრედიტების რაოდენობაზე „CR“ (Credits) ანუ:  $CWM = GP \times CR$  პროგრამის კომპონენტის GPA - პროგრამის კომპონენტში მიღებულ ქულას „GP“ (ქვემოთ მოცემული ცხრილის „3“ სვეტი) ენიჭება GPA-ს შესაბამისი მნიშვნელობა (ცხრილის „5“ სვეტი). მაგ.: თუ სტუდენტს მიღებული აქვს 96 ქულა, მაშინ  $GPA=3.75$ ; თუ სტუდენტს მიღებული აქვს 51-ზე ნაკლები ქულა (არ აქვს მიღებული კრედიტი), მაშინ  $GPA=0$ .

2. სემესტრის საშუალოშეწონილი ქულა Sessional Weighted Average (SWA), სემესტრის GPA. სემესტრში ყველა მიღებული „CWM“ (პროგრამის კომპონენტების შეწონილი ნიშნები) იკრიბება და იყოფა სემესტრში მისაღები კრედიტების რაოდენობაზე  $SCR=30$  (ან სხვა, რამდენზეც იყო დარეგისტრირებული სტუდენტი), ანუ:

$$SWA = \Sigma CWM / SCR = \Sigma(GP \times CR) / SCR$$

სემესტრის GPA განისაზღვრება მიღებული SWA ქულის შესაბამისად (ცხრილის „6“ და „7“ სვეტები).

1) მაგ., სემესტრში მისაღები (დარეგისტრირებული) / მიღებული კრედიტები და მიღებული შეფასებები არის:

პროგრამის კომპონენტი:	№1	№2	№3	№4	№5	№6	№7	
მიღებული GP (Grade Point)	73	67	68	73	71	69	74	
მისაღები CR (Credit Units)	5	5	6	4	5	2	3	$\Sigma CR = 30$
CWM (Course Weighted Marks)	365.00	335.00	408.00	292.00	355.00	138.00	222.00	$\Sigma CWM = 2115$

მაშინ:  $SWA = \Sigma CWM / SCR = 2115/30 = 70.50 \approx 71$  (ცხრილის „6“ სვეტი) და სემესტრის GPA = 2.0 (ცხრილის „7“ სვეტი).

2) მაგ., სემესტრში მისაღები (დარეგისტრირებული) / მიღებული კრედიტები და მიღებული შეფასებები არის:

პროგრამის კომპონენტი:	№1	№2	№3	№4	№5	№6	№7	
მიღებული GP (Grade Point)	73	67	68	73	0	0	0	
მისაღები CR (Credit Units)	5	5	6	4	5	2	3	$\Sigma CR = 30$
CWM (Course Weighted Marks)	365.00	335.00	408.00	292.00	0	0	0	$\Sigma CWM = 1400$

მაშინ:  $SWA = \Sigma CWM / SCR = 1400/30 = 46.67 \approx 47$  (ცხრილის „6“ სვეტი) და სემესტრის GPA=0.25 (ცხრილის „7“ სვეტი).

3. აკადემიური წლის საშუალოშეწონილი ქულა Annual Weighted Average (AWA). აკადემიური წლის GPA. აკადემიური წლის განმავლობაში ყველა მიღებული „CWM“ (პროგრამის კომპონენტების შეწონილი ნიშნები) იკრიბება და იყოფა აკადემიური წლის განმავლობაში მისაღები კრედიტების რაოდენობაზე  $SCR=60$  (ან სხვა, რამდენზეც იყო დარეგისტრირებული სტუდენტი), ანუ:

$$AWA = \Sigma CWM / ECR$$

აკადემიური წლის GPA განისაზღვრება მიღებული AWA ქულის შესაბამისად (ცხრილის „6“ და „7“ სვეტები).



4. საგანმანათლებლო პროგრამის კუმულატიური (დაგროვილი) საშუალოშეწონილი ქულა Cumulative Weighted Averages (CWA). საგანმანათლებლო პროგრამის GPA. მთლიანად საგანმანათლებლო პროგრამის შესწავლისას ყველა მიღებული CWM (პროგრამის კომპონენტების შეწონილი ნიშნები) იკრიბება და იყოფა პროგრამისთვის დადგენილი კრედიტების რაოდენობაზე ΣCR, ანუ:

$$CWA = \Sigma CWM / \Sigma CR$$

საგანმანათლებლო პროგრამის GPA განისაზღვრება მიღებული CWA ქულის შესაბამისად (ქვემოთ მოცემული ცხრილის "6" და "7" სვეტები). თუ სტუდენტს არ აქვს მიღებული საგანმანათლებლო პროგრამისთვის დადგენილი კრედიტების რაოდენობა, მაშინ საგანმანათლებლო პროგრამის GPA = 0.

5. დიპლომის GPA. დიპლომის GPA უდრის საგანმანათლებლო პროგრამის GPA-ს. თუ სტუდენტს არ აქვს მიღებული საბაკალავრო/სამაგისტრო საგანმანათლებლო პროგრამისთვის დადგენილი კრედიტების რაოდენობა, მაშინ საბაკალავრო/სამაგისტრო საგანმანათლებლო პროგრამის GPA = 0.

შეფასების მოქმედი 100-ქულიანი სისტემა				აკადემიური მოსწრების მაჩვენებლები (კოეფიციენტები)				
პროგრამის კომპონენტის				პროგრამის კომპონენტის			სემესტრის / აკადემიური წლის / საგანმანათლებლო პროგრამის აკადემიური მოსწრების კოეფიციენტების (SWA / AWA / CWA) ქულები	
შეფასება Course Grade	შეფასების ქულა Grade Point			Course Grade	შეფასების ქულა Grade Point (GP)	GPA	GPA	GPA
1	2	3		4	5		6	7
ფრიადი	A	A+	100-98	A	100-98	4.00	100-98	4.00
		A	97-95		97-95	3.75	97-95	3.75
		A-	94-91		94-91	3.50	94-91	3.50
ძალიან კარგი	B	B+	90-88	B	90-88	3.25	90-88	3.25
		B	87-85		87-85	3.00	87-85	3.00
		B-	84-81		84-81	2.75	84-81	2.75
კარგი	C	C+	80-78	C	80-78	2.50	80-78	2.50
		C	77-75		77-75	2.25	77-75	2.25
		C-	74-71		74-71	2.00	74-71	2.00
დამაკმაყოფილებელი	D	D+	70-68	D	70-68	1.75	70-68	1.75
		D	67-65		67-65	1.50	67-65	1.50
		D-	64-61		64-61	1.25	64-61	1.25
საკმარისი	E	E+	60-58	E	60-58	1.00	60-58	1.00
		E	57-55		57-55	0.75	57-55	0.75
		E-	54-51		54-51	0.50	54-51	0.50
ვერ ჩააბარა	Fx	41-50		F	≤50 = 0		≤50	0.25
ჩაიჭრა	F	0-40			≤50 = 0		0	0.00

ზემოთ მოცემულ შეფასების სისტემაში "–" და "+" გრადაციები და შესაბამისი ქულები შემოღებულია საქართველოში მოქმედი სტუდენტთა შეფასების 100-ქულიანი სისტემის ფარგლებში სტუდენტის მიღწევების უკეთ წარმოჩენისა და აკადემიური მოსწრების მაჩვენებლების (შეფასების კოეფიციენტების) უფრო დეტალურად გამოთვლის მიზნით:

**მუხლი 5. მობილობა, შიდა მობილობა**

- ბნსუ-ში საბაკალავრო და სამაგისტრო საგანმანათლებლო პროგრამებით (შემდგომში - პროგრამა) სწავლის გაგრძელება შესაძლებელია მობილობით ბნსუ-ს და სხვა უმაღლესი საგანმანათლებლო დაწესებულების (შემდგომში - უსდ) სტუდენტისთვის. მობილობა შესაძლებელია განხორციელდეს უმაღლესი განათლების ერთი საფეხურის ფარგლებში კანონმდებლობით დადგენილი მოთხოვნების, პროგრამაზე დაშვების წინაპირობებისა და ბნსუ-ში მოქმედი წესების დაცვით;
- ბნსუ-ში მობილობით ვერ ჩაირიცხება პირი, რომლის მიმართ უსდ-ში არსებობს ბრძანება სტუდენტის სტატუსთან შეუთავსებელი ქმედების ჩადენის გამო სტატუსის შეწყვეტის შესახებ და სტატუსის შეწყვეტის საფუძველი შეუთავსებელია ბნსუ-ს შინაგანაწესთან (მიიჩნევა ქვეყის წესების უხეშ დარღვევად, რომლისთვისაც დადგენილი სტატუსის შეწყვეტის დისციპლინური სანქცია);
- მობილობა შესაძლებელია განხორციელდეს კალენდარული წლის განმავლობაში 2-ჯერ მობილობისთვის ყველა უსდ-სთვის დადგენილ ვადებში. მობილობის უფლება აქვს სტუდენტს, რომელიც უსდ-ში ჩაირიცხა კანონმდებლობით დადგენილი წესით, მობილობის მომენტისათვის არის უსდ-ს სტუდენტი, აქვს შეჩერებული სტუდენტის სტატუსი, კანონმდებლობით გათვალისწინებულ სხვა შემთხვევებში. მობილობის უფლება სტუდენტს წარმოემართა უმაღლესი განათლების შესაბამის საფეხურზე სწავლების ერთი წლის შემდეგ (სწავლების პერიოდში არ შედის ის დრო, რომლის განმავლობაში სტუდენტს შეჩერებული ჰქონდა სტატუსი). რეგულირებადი სამაგისტრო პროგრამის შემთხვევაში სტუდენტს უნდა ჰქონდეს შესაბამისი ბაკალავრის ან მათთან გათანაბრებული აკადემიური ხარისხი. შიდა მობილობას ბნსუ-ს სტუდენტი ახორციელებს ბნსუ-ში, უმაღლესი განათლების ერთი საფეხურის ფარგლებში; ბნსუ-ში შიდა მობილობა შეიძლება გამოცხადდეს წელიწადში 2-ჯერ ბნსუ-ს მიერ დადგენილ ვადაში (როგორც წესი, ემთხვევა გარე მობილობის ვადებს).
- სტუდენტის მიერ უკვე მიღწეული კომპეტენციების თავსებადობა ბნსუ-ს პროგრამასთან დადგინდება ბნსუ-ში მოქმედი (კრედიტების აღიარების) წესით. ბნსუ უფლებამოსილია საგანმანათლებლო პროგრამაზე მობილობით ჩარიცხვისათვის განსაზღვროს წინაპირობები და მოითხოვოს იმ სასწავლო კურსების სილაბუსების წარდგენა, რომლებშიც სტუდენტს მიღებული აქვს კრედიტი. შესწავლილი და ბნსუ-ს პროგრამებს შორის თავსებადობის არარსებობა შეიძლება იყოს მობილობით ჩარიცხვაზე უარის თქმის საფუძველი. საგანმანათლებლო პროგრამების თავსებადობის დადგენის შემდეგ მიღებულ დასაბუთებულ დასკვნაში იქნება მითითებული რომელი სასწავლო კურსები და რამდენი კრედიტი არის აღიარებული, რომელი სემესტრიდან არის რეკომენდებული სწავლის გაგრძელება. დასკვნა ეცნობა მობილობის მსურველს, დასკვნის და სტუდენტის თანხმობის საფუძველზე საქართველოს კანონმდებლობით დადგენილი წესით რექტორის მიერ გამოიცემა ჩარიცხვის ერთიანი ბრძანება ბნსუ-ს საგანმანათლებლო პროგრამაზე სტუდენტის ჩარიცხვის შესახებ, ხოლო იმ უსდ-ს მიერ, საიდანაც გადადის სტუდენტი, გამოიცემა ბრძანება სხვა უსდ-ში ჩარიცხული სტუდენტის სტატუსის შეწყვეტის შესახებ და სტუდენტის მიმართ შემდეგ გაიცემა საგანმანათლებლო დოკუმენტი, რომლის საფუძველზე მოხდა ჩარიცხვა და სტუდენტის პირად საქმეში არსებული სხვა დოკუმენტაცია. სტუდენტს შეუძლია მობილობის წესით მიმღებ უსდ-ში სწავლის გაგრძელებაზე უარის თქმა, თუ ამ უსდ-ში არ არის გამოცემული ჩარიცხვის შესახებ ბრძანება.



**მუხლი 6. განათლების (კრედიტების) აღიარების წესი**

**1. საბაკალავრო საგანმანათლებლო პროგრამა**

1. წინამდებარე წესით ბნსუ იღებს გადაწყვეტილებას საბაკალავრო საგანმანათლებლო პროგრამის მიზნებისთვის სტუდენტის მიერ მიღებული განათლების (კრედიტების და შეფასებების) აღიარების შესახებ;
2. საქართველოს მოქმედი კანონმდებლობით: უცხოეთში მიღებული განათლების აღიარება გულისხმობს უცხო ქვეყნის საგანმანათლებლო დაწესებულების მიერ გაცემული საგანმანათლებლო დოკუმენტის ნამდვილობის დადასტურებას და საგანმანათლებლო დოკუმენტში ასახული კვალიფიკაციის ან სწავლის პერიოდში მიღწეული სწავლის შედეგების საქართველოში არსებულ კვალიფიკაციებთან შესაბამისობის დადგენას. უცხოეთის უსდ-ში მიღებულ კვალიფიკაციას ან უცხოეთის უსდ-ში სწავლის პერიოდში მიღებულ განათლებას აღიარებს სსიპ - განათლების ხარისხის განვითარების ეროვნული ცენტრი. უცხო ქვეყნის საგანმანათლებლო დოკუმენტის მქონე პირის საქართველოს უსდ-ში ჩარიცხვის შესახებ გადაწყვეტილებას საქართველოს კანონმდებლობით დადგენილი წესით, სსიპ - განათლების ხარისხის განვითარების ეროვნული ცენტრის მიერ გაცემული აღიარების დოკუმენტის საფუძველზე იღებს შესაბამისი უსდ. უცხოეთის უსდ-ის პროგრამის სასწავლო კურსების კანონმდებლობით დადგენილი წესით აღიარება ფორმდება საქართველოს უსდ-ს მიერ შემუშავებული დასკვნის საფუძველზე, რომელშიც მიეთითება პირის მიერ უცხოეთში სწავლის პერიოდში გავლილი პროგრამის შესაბამისობა უსდ-ის პროგრამასთან, ასევე აღიარებული კრედიტების რაოდენობა;
3. ბნსუ აღიარებს საქართველოში მოქმედი ყველა ავტორიზებული უმაღლესი საგანმანათლებლო დაწესებულების (შემდგომში - უსდ) მიერ მინიჭებულ აკადემიურ ხარისხებს და კვალიფიკაციებს, ასევე წინამდებარე წესით აღიარებს ამ დაწესებულებების მიერ განხორციელებული უმაღლესი საგანმანათლებლო პროგრამების ფარგლებში მიღებულ კრედიტებს და შეფასებებს;
4. ერთი კვალიფიკაციის ფარგლებში მიღწეული სწავლის შედეგების სხვა კვალიფიკაციის მიზნებისათვის აღიარება:
  - ბნსუ უფლებამოსილია აღიაროს უმაღლესი აკადემიური განათლების შესაბამისი საფეხურის საგანმანათლებლო პროგრამის ფარგლებში პირის მიერ მიღწეული სწავლის შედეგები აკადემიური უმაღლესი განათლების იმავე საფეხურის სხვა საგანმანათლებლო პროგრამის დამლევით შესაბამისი კვალიფიკაციის მინიჭების მიზნებისათვის;
  - აღიარებას ექვემდებარება იმ უმაღლესი საგანმანათლებლო პროგრამის ფარგლებში მიღებული კრედიტები, რომელზე ჩარიცხვა და სწავლება ხდება საქართველოს კანონმდებლობით დადგენილი წესით;
  - კრედიტების აღიარების მიზნით ბნსუ ადგენს პირის მიერ უმაღლესი განათლების იმავე საფეხურის სხვა საგანმანათლებლო პროგრამის ფარგლებში მიღწეული სწავლის შედეგების შესაბამის უმაღლეს საგანმანათლებლო პროგრამასთან თავსებადობას და იღებს გადაწყვეტილებას შესაბამისი კრედიტების აღიარების შესახებ;
  - უმაღლესი საგანმანათლებლო პროგრამებით გათვალისწინებული სასწავლო კურსების შინაარსობრივი შესწავლის შედეგად შესაძლებელია დადგინდეს ამ კურსების შესაბამისობა, მათ სახელწოდებებში არსებული სხვაობის მიუხედავად;
  - ბნსუ უფლებამოსილია საქართველოს კანონმდებლობით დადგენილი წესით გაიანგარიშოს სტუდენტის დატვირთვა კრედიტებით იმ პროგრამის შემთხვევაში, რომელიც არ არის შესრულებული ECTS შესაბამისად;
  - კრედიტების აღიარება ხდება საქართველოს კანონმდებლობით დადგენილი და ბნსუ-ში მოქმედი განათლების აღიარების წინამდებარე წესის შესაბამისად.
5. ბნსუ-ს მიერ სტუდენტის მიერ მიღებული კრედიტების აღიარება ეფუძნება მათ შესაბამისობას ბნსუ-ს საბაკალავრო პროგრამასთან. აღიარებას ექვემდებარება მხოლოდ უმაღლესი განათლების იმავე საფეხურის საგანმანათლებლო პროგრამის ფარგლებში მიღებული კრედიტები, რომელზე ჩარიცხვა და სწავლება განხორციელდა კანონმდებლობით დადგენილი წესით;
6. დიპლომირებული სპეციალისტის საგანმანათლებლო პროგრამის ფარგლებში მიღებული კრედიტები აღიარდება ბაკალავრიატის პროგრამის მიზნებისთვის. მობილობისას დიპლომირებული მედიკოსის/სტომატოლოგის/ვეტერინარის პროგრამების კრედიტები აღიარდება ბაკალავრიატის პროგრამასთან თავსებადად;
7. ბნსუ უფლებამოსილია გასაუბრების საფუძველზე დაადგინოს ბნსუ-ს საბაკალავრო პროგრამით სწავლის გაგრძელების მსურველის კომპეტენციების თავსებადობა ბნსუ-ს საბაკალავრო პროგრამასთან;
8. მიღებული კრედიტების აღიარება ხდება სტუდენტის მიერ შესწავლილი და ბნსუ-ში არჩეული საბაკალავრო პროგრამების სწავლის შედეგების ურთიერთშესაბამისობის, მათ შორის საგანმანათლებლო პროგრამების კომპონენტების თავსებადობის დადგენის გზით: კრედიტების აღიარება შეიძლება მოხდეს: მიღებული კრედიტების პირდაპირ აღიარების, პროგრამის კომპონენტების სილაბუსების შინაარსობრივი შესწავლის ან კომპონენტების სილაბუსების შინაარსობრივი შესწავლისა და გასაუბრების საფუძველზე. ბნსუ-ს პროგრამასთან ნულოვანი თავსებადობის (შესაბამისობის) შემთხვევაში - 1) ეს არის ბნსუ-ში სწავლის გაგრძელებაზე უარის თქმის საფუძველი, ან 2) პირი ვალდებულია სრულად შეისწავლოს ბნსუ-ს საბაკალავრო პროგრამა;
9. შეიძლება იყოს აღიარებული სავალდებულო და არჩევითი სასწავლო კურსების (მათ შორის ე.წ. „თავისუფალი კრედიტების“) და პროგრამის სხვა კომპონენტების კრედიტები (გარდა საბაკალავრო ნაშრომისა);
10. სტუდენტის მიერ შესწავლილი სწავლო კურსები/პროგრამის სხვა კომპონენტები, რომლებიც არ არის გათვალისწინებული ბნსუ-ს საბაკალავრო პროგრამით, შესაძლებელია აღიარებული იქნეს შესაბამისად ა) „თავისუფალი კრედიტების“ (თუ ბნსუ-ს პროგრამა ითვალისწინებს თავისუფალ კრედიტებს) და ბ) ძირითადი სწავლის სფეროს არჩევითი სასწავლო კურსების/პროგრამის სხვა კომპონენტების სახით - 1) თუ ამის შედეგად აღიარებული კრედიტების რაოდენობა გაუტოლდება ბნსუ-ს საბაკალავრო პროგრამით არჩევითი კომპონენტისთვის გათვალისწინებული კრედიტების ჯამურ რაოდენობას, მაშინ სტუდენტი არ არის ვალდებული შეისწავლოს ბნსუ-ს პროგრამით გათვალისწინებული, შესაბამისად ა) თავისუფალი კრედიტების და ბ) ძირითადი სწავლის ფეროს არჩევითი სასწავლო კურსები/პროგრამის სხვა კომპონენტები; 2) თუ სტუდენტის მიერ მიღებული არჩევითი კრედიტების რაოდენობა მეტია ვიდრე ეს არის გათვალისწინებული ბნსუ-ს საბაკალავრო პროგრამით, მაშინ სტუდენტის არჩევანის შესაბამისად აღიარებული იქნება მხოლოდ ბნსუ-ს საბაკალავრო პროგრამით არჩევითი კომპონენტისთვის გათვალისწინებული კრედიტების ნორმირებული რაოდენობა;
11. თუ სტუდენტის მიერ შესწავლილი პროგრამა ითვალისწინებს დამატებით პროგრამას და სტუდენტს სრულად აქვს მიღებული ამ პროგრამის კრედიტები, მაშინ დამატებითი პროგრამა აისახება დიპლომის დანართში. ხოლო, თუ დამატებითი პროგრამის კრედიტები არ არის სრულად მიღებული, მაშინ ხდება ბნსუ-ს საბაკალავრო პროგრამისა და სტუდენტის მიერ შესწავლილი სასწავლო კურსების შედარება მათი აღიარების შესაძლებლობის დადგენის მიზნით;
12. თუ სტუდენტის მიერ შესწავლილი სასწავლო კურსის/პროგრამის სხვა კომპონენტის დასახელება და კრედიტების რაოდენობა ემთხვევა ბნსუ-ს საბაკალავრო პროგრამის ანალოგიური სასწავლო კურსის/პროგრამის სხვა კომპონენტის დასახელებასა და კრედიტების რაოდენობას - მაშინ ავტომატურად ხდება სასწავლო კურსის/პროგრამის კომპონენტის აღიარება;
13. თუ შესწავლილი თავისუფალი კომპონენტის სასწავლო კურსის დასახელება არ ემთხვევა ბნსუ-ს საბაკალავრო პროგრამის ანა-



- ლოგიური სასწავლო კურსის დასახელებას - მაშინ შესაძლებელია მათი აღიარება სახელწოდებებში არსებული სხვაობის მიუხედავად (მაგ. „ფსიქოლოგია“ შეიძლება იყოს აღიარებული როგორც „შესავალი ფსიქოლოგიაში“ ან „ფსიქოლოგიის საფუძვლები“);
14. თუ შესწავლილი თავისუფალი კომპონენტის სასწავლო კურსის კრედიტი ნაკლებია ბნსუ-ს პროგრამის ანალოგიური სასწავლო კურსის კრედიტზე, მაშინ - ა) 01 კრედიტის განსხვავების შემთხვევაში შესაძლებელია შესწავლილ სასწავლო კურსს მიენიჭოს მეტი კრედიტი; ბ) 02 კრედიტის განსხვავების შემთხვევაში შესწავლილი სასწავლო კურსის და ბნსუ-ს ანალოგიური სასწავლო კურსის სწავლის შედეგების შესაბამისობის შემთხვევაში შესწავლილ სასწავლო კურსს მიენიჭოს ბნსუ-ს საბაკალავრო პროგრამით გათვალისწინებული მეტი კრედიტი; გ) 02 კრედიტზე მეტი განხვავების შემთხვევაში არ მოხდება კრედიტების აღიარება;
15. თუ შესწავლილი ძირითადი სწავლის სფეროს სასწავლო კურსის/პროგრამის სხვა კომპონენტის კრედიტი ნაკლებია ბნსუ-ს საბაკალავრო პროგრამის ანალოგიური სასწავლო კურსის/პროგრამის სხვა კომპონენტის კრედიტზე, მაშინ - ა) 01 კრედიტის განსხვავების შემთხვევაში შესწავლილ სასწავლო კურსს/პროგრამის სხვა კომპონენტს შესაძლებელია მიენიჭოს ბნსუ-ს საბაკალავრო პროგრამით გათვალისწინებული მეტი კრედიტი; ბ) 02 კრედიტის განსხვავების შემთხვევაში შინაარსობრივი შესწავლის (მიზნების, შინაარსის, სავალდებულო/ძირითადი ლიტერატურის და სწავლის შედეგების შედარების) საფუძველზე შესწავლილ სასწავლო კურსს/პროგრამის სხვა კომპონენტს შესაძლებელია მიენიჭოს ბნსუ-ს პროგრამით გათვალისწინებული მეტი კრედიტი; გ) 02 კრედიტზე მეტი განხვავების შემთხვევაში არ მოხდება კრედიტების აღიარება;
16. თუ შესწავლილი ძირითადი სწავლის სფეროს სასწავლო კურსის/პროგრამის სხვა კომპონენტის დასახელება არ ემთხვევა ბნსუ-ს საბაკალავრო პროგრამის ანალოგიური სასწავლო კურსის/პროგრამის სხვა კომპონენტის დასახელებას - მაშინ შინაარსობრივი შესწავლის (მიზნების, შინაარსის, სავალდებულო/ძირითადი ლიტერატურის და სწავლის შედეგების შედარების) საფუძველზე შესაძლებელია დადგინდეს სასწავლო კურსის/პროგრამის სხვა კომპონენტის შესაბამისობა და მოხდეს მისი აღიარება სახელწოდებებში არსებული სხვაობის მიუხედავად;
17. თუ შესწავლილი სასწავლო კურსის/პროგრამის სხვა კომპონენტის კრედიტების რაოდენობა აღემატება ბნსუ-ს საბაკალავრო პროგრამის ანალოგიური სასწავლო კურსის/პროგრამის სხვა კომპონენტის კრედიტების რაოდენობას - მაშინ ხდება კრედიტების იმ რაოდენობის აღიარება, რამდენსაც ითვალისწინებს ბნსუ-ს საბაკალავრო პროგრამა;
18. პროგრამების შესაბამისობის დადგენისა და კრედიტების აღიარების შედეგად განისაზღვრება კრედიტების რაოდენობა, რომელიც სტუდენტს უღიარდება ბნსუ-ს საბაკალავრო პროგრამის მიზნებისათვის;
19. სწავლის გაგრძელების რეკომენდებული სემესტრის განსაზღვრისას გათვალისწინებული იქნება აღიარებული და მისაღები კრედიტების რაოდენობა და ბნსუ-ს პროგრამით გათვალისწინებული სასწავლო კურსის/პროგრამის სხვა კომპონენტის შესწავლის წინაპირობები. სემესტრის განსაზღვრისას, ასევე, მხედველობაში მიიღება, რომ სტუდენტის მიერ შესწავლილი და ბნსუ-ს მიერ აღიარებული სასწავლო კურსი/პროგრამის კომპონენტი შეიძლება იყოს გათვალისწინებული ბნსუ-ს საბაკალავრო პროგრამის მომდევნო სემესტრებში. აღნიშნულის გათვალისწინებით, სტუდენტს ეძლევა რეკომენდაცია სწავლა გააგრძელოს გარკვეული (ქვემოთ მითითებული ან ქვემოთ მითითებულისგან განსხვავებული) სემესტრიდან:

აღიარებული კრედიტების რაოდენობა	0-16	17-40	41-60	61-79	90-120	121-150	151-180	181 და მეტი
რეკომენდებული სემესტრი	I	II	III	IV	V	VI	VII	VIII + დამატ. სემ.-(ებ)ი

20. აღიარებული და მისაღები კრედიტების რაოდენობიდან და პროგრამის კომპონენტების წინაპირობებიდან გამომდინარე შესაძლებელია სტუდენტს დასჭირდეს დამატებითი სემესტრ(ებ)ის გავლა და სწავლის გაგრძელება წინამდებარე დებულებით დადგენილი სწავლის გაგრძელების ვადით;
21. იმ შემთხვევაში, თუ ბნსუ-ს პროგრამამ, რომლითაც სწავლას აგრძელებს სტუდენტი, მისი ჩარიცხვის შემდეგ განიცადა მოდიფიცირება ან სტუდენტმა დამატებით წარმოადგინა ინფორმაცია გამომშვებ უსდ-ში შესწავლილი სასწავლო კურსების შესახებ (უნდა იყოს წარმოდგენილი დოკუმენტის დედანი, დამოწმებული უსდ-ს ოფიციალური უფლებამოსილი პირის მიერ), მაშინ ხდება უკვე შესწავლილი და ბნსუ-ს პროგრამით გათვალისწინებული სასწავლო კურსის თავსებადობის განმეორებითი შესწავლა წინამდებარე მუხლით დადგენილი წესების შესაბამისად. თავსებადობის შემთხვევაში დამატებითად აღიარებული იქნება სხვა უსდ-ში სტუდენტის მიერ მიღებული იმ სასწავლო კურსების კრედიტები, რომელთა აღიარება არ მოხდა ბნსუ-ში სტუდენტის ჩარიცხვის დროს;
22. თუ უსდ, რომელშიც სწავლობს/სწავლობდა სტუდენტი, იყენებს/იყენებდა ECTS-ისგან განსხვავებულ საკრედიტო სისტემას, მაშინ სტუდენტი ვალდებულია წარმოადგინოს უსდ-ს მიერ გაცემული ოფიციალური დოკუმენტი, სადაც აღწერილია უსდ-ში მოქმედი საკრედიტო სისტემა და მითითებულია ამ სისტემის შესაბამისობა ECTS-სთან;
23. ბნსუ უფლებამოსილია გაიანგარიშოს სტუდენტის დატვირთვა კრედიტებით იმ საგანმანათლებლო პროგრამის შემთხვევაში, რომელიც არ არის შედგენილი ECTS-ს შესაბამისად. ამ შემთხვევაში ხდება მითითებული აკადემიური/საკონტაქტო საათების ანალიზი, რის შედეგად სასწავლო კურსებს ენიჭებათ კრედიტები შემდეგი წესის მიხედვით:
- თუ მითითებულია საკონტაქტო (სს) და დამოუკიდებელი (დს) საათები, მაშინ მათი ჯამი გაიყოფა 26-ზე (ბნსუ-ში 1 კრედიტი = 26 სთ.) ანუ კრედიტი = (სს + დს) / 26;
  - თუ მითითებულია მხოლოდ საკონტაქტო საათები, მაშინ: ა) მოხდება მათი შედარება ბნსუ-ს ანალოგიურ სასწავლო კურსთან/პროგრამის კომპონენტთან და კრედიტი მიენიჭება ზემოთ მითითებული წესის შესაბამისად, ან ბ) ბნსუ-ში ანალოგიური სასწავლო კურსის/პროგრამის კომპონენტის არარსებობის შემთხვევაში დამოუკიდებელი საათების რაოდენობა ჩაითვლება საკონტაქტო საათების ტოლად ანუ კრედიტი = 2 x სს / 26;
  - გამოთვლების შედეგად მიღებული რიცხვი მრგვალდება მთელ რიცხვამდე დამრგვალების წესის შესაბამისად.
24. ბნსუ უფლებამოსილია მოახდინოს სხვა უსდ-ში მოქმედი შეფასების სისტემის და სასწავლო ბარათში მითითებული შეფასებების ანალიზი და მათი გადაყვანა საქართველოში მოქმედი შეფასების სისტემის ქულაზე, რაც ხდება შემდეგი წესების დაცვით:
- 5-ბალიანი სისტემის ბნსუ-ში მოქმედ 100-ქულიან სისტემაზე გადაყვანა ხდება მაქსიმალური ქულის მინიჭების პრინციპით:

5-ბალიანი სისტემა		შეფასება საქართველოში მოქმედი 100-ქულიანი სისტემის შესაბამისად		
ფრიადი	5	100	A	ფრიადი
კარგი	4	80	C	კარგი
დამაკმაყოფილებელი	3	70	E	დამაკმაყოფილებელი
არადამაკმაყოფილებელი	2-0	0	F	ჩაიჭრა

- თუ სტუდენტს მიღებული აქვს: 1) ე.წ. „დიფერენცირებული ჩათვალი“ (ნიშნის მითითებით), მაშინ ხდება მისი გადაყვანა 5-ბალიანი სისტემიდან 100-ქულიან სისტემაზე სტუდენტის მიერ მიღებული შეფასების გათვალისწინებით ზემოთ მითითებული



ცხრილის შესაბამისად; 2) ე.წ. „ჩათვლა“ (ნიშნის გარეშე), მაშინ ხდება მისი გადაყვანა 100-ქულიან სისტემაზე მაქსიმალური ქულის მინიჭებით (ჩათვლა = 100 ქულა).

- განსხვავებული შეფასების სისტემის ბნსუ-ში მოქმედ სისტემაზე გადაყვანა ხდება მაქსიმალური ქულის მინიჭების პრინციპით:
  - 100-ქულიან სისტემაზე განსხვავებული შეფასების სისტემით მიღებული შეფასების (ქულის) გადაყვანა ხდება ფორმულით:

$GP = \frac{a \times 100}{A}$	GP - ბნსუ-ში მოქმედ 100-ქულიანი სისტემაზე გადმოყვანილი შეფასება (ქულა);
	100 - ბნსუ-ში მოქმედი 100-ქულიანი სისტემის მაქსიმალური შეფასება (ქულა);
	A - სხვა შეფასების სისტემის მაქსიმალური შეფასება (ქულა);
	a - სხვა შეფასების სისტემით მიღებული შეფასება (ქულა).

- GPA-ზე (შესაბამისად, 100-ქულიან სისტემაზე) განსხვავებული შეფასების სისტემით მიღებული GPA-ს გადაყვანა ხდება ქვემოთ მოცემული ფორმულით (შეფასების ქულა განისაზღვრება მიღებული GPA-ს ქულის გათვალისწინებით (იხ. წინამდებარე დებულების „აკადემიური მოსწრების მაჩვენებლები (კოეფიციენტები). GPA“):

$GPA = \frac{4 \times gpa}{gpa_{max}}$	GPA - ბნსუ-ს GPA-ზე გადმოყვანილი ქულა;
	4 - ბნსუ-ს GPA-ს მაქსიმალური მნიშვნელობა
	gpa - სხვა შეფასების სისტემით მიღებული Grade Point Average (GPA);
	gpa <sub>max</sub> - სხვა შეფასების სისტემაში GPA-ს მაქსიმალური მნიშვნელობა.

25. კრედიტების აღიარება ფორმდება დასკვნის სახით, რომელიც ასახავს უკვე შესწავლილი პროგრამის შესაბამისობას (თავსებადობას) ბნსუ-ს საბაკალავრო პროგრამასთან. დასკვნაში მიეთითება აღიარებული კომპონენტების დასახელებები, კრედიტების რაოდენობა და რეკომენდაცია სწავლის გაგრძელების სემესტრის შესახებ. დასკვნა ეცნობა დაინტერესებულ პირს, რომელიც ადასტურებს ბნსუ-ში სწავლის გაგრძელების გადაწყვეტილებას ან უარს ამბობს ბნსუ-ში სწავლის გაგრძელებაზე.

**2. სამაგისტრო საგანმანათლებლო პროგრამა**

1. წინამდებარე წესით ბნსუ იღებს გადაწყვეტილებას სამაგისტრო საგანმანათლებლო პროგრამის მიზნებისთვის სტუდენტის მიერ მიღებული განათლების (კრედიტების და შეფასებების) აღიარების შესახებ;
2. საქართველოს მოქმედი კანონმდებლობით: უცხოეთში მიღებული განათლების აღიარება გულისხმობს უცხო ქვეყნის საგანმანათლებლო დაწესებულების მიერ გაცემული საგანმანათლებლო დოკუმენტის ნამდვილობის დადასტურებას და საგანმანათლებლო დოკუმენტში ასახული კვალიფიკაციის ან სწავლის პერიოდში მიღწეული სწავლის შედეგების საქართველოში არსებულ კვალიფიკაციებთან შესაბამისობის დადგენას. უცხოეთის უსდ-ში მიღებულ კვალიფიკაციას ან უცხოეთის უსდ-ში სწავლის პერიოდში მიღებულ განათლებას აღიარებს სსიპ - განათლების ხარისხის განვითარების ეროვნული ცენტრი. უცხო ქვეყნის საგანმანათლებლო დოკუმენტის მქონე პირის საქართველოს უსდ-ში ჩარიცხვის შესახებ გადაწყვეტილებას საქართველოს კანონმდებლობით დადგენილი წესით, სსიპ - განათლების ხარისხის განვითარების ეროვნული ცენტრის მიერ გაცემული აღიარების დოკუმენტის საფუძველზე იღებს შესაბამისი უსდ. უცხოეთის უსდ-ის პროგრამის სასწავლო კურსების კანონმდებლობით დადგენილი წესით აღიარება ფორმდება საქართველოს უსდ-ს მიერ შემუშავებული დასკვნის საფუძველზე, რომელშიც მიეთითება პირის მიერ უცხოეთში სწავლის პერიოდში გავლილი პროგრამის შესაბამისობა უსდ-ის პროგრამასთან, ასევე აღიარებული კრედიტების რაოდენობა;
3. ბნსუ აღიარებს საქართველოში მოქმედი ყველა ავტორიზებული უმაღლესი საგანმანათლებლო დაწესებულების (შემდგომში - უსდ) მიერ მინიჭებულ აკადემიურ ხარისხებს და კვალიფიკაციებს, ასევე წინამდებარე წესით აღიარებს ამ დაწესებულებების მიერ განხორციელებული უმაღლესი საგანმანათლებლო პროგრამების ფარგლებში მიღებულ კრედიტებს და შეფასებებს;
4. ერთი კვალიფიკაციის ფარგლებში მიღწეული სწავლის შედეგების სხვა კვალიფიკაციის მიზნებისათვის აღიარება:
  - ბნსუ უფლებამოსილია აღიაროს უმაღლესი აკადემიური განათლების შესაბამისი საფეხურის საგანმანათლებლო პროგრამის ფარგლებში პირის მიერ მიღწეული სწავლის შედეგები უმაღლესი აკადემიური განათლების იმავე საფეხურის სხვა საგანმანათლებლო პროგრამის დამლევით შესაბამისი კვალიფიკაციის მინიჭების მიზნებისათვის;
  - აღიარებას ექვემდებარება იმ უმაღლესი საგანმანათლებლო პროგრამის ფარგლებში მიღებული კრედიტები, რომელზე ჩარიცხვა და სწავლება ხდება საქართველოს კანონმდებლობით დადგენილი წესით
  - კრედიტების აღიარების მიზნით ბნსუ ადგენს პირის მიერ უმაღლესი განათლების იმავე საფეხურის სხვა საგანმანათლებლო პროგრამის ფარგლებში მიღწეული სწავლის შედეგების შესაბამის უმაღლეს საგანმანათლებლო პროგრამასთან თავსებადობას და იღებს გადაწყვეტილებას შესაბამისი კრედიტების აღიარების შესახებ;
  - უმაღლესი საგანმანათლებლო პროგრამებით გათვალისწინებული სასწავლო კურსების შინაარსობრივი შესწავლის შედეგად შესაძლებელია დადგინდეს ამ კურსების შესაბამისობა, მათ სახელწოდებებში არსებული სხვაობის მიუხედავად;
  - ბნსუ უფლებამოსილია საქართველოს კანონმდებლობით დადგენილი წესით გაიანგარიშოს სტუდენტის დატვირთვა კრედიტებით იმ პროგრამის შემთხვევაში, რომელიც არ არის შესრულებული ECTS შესაბამისად;
  - კრედიტების აღიარება ხდება საქართველოს კანონმდებლობით დადგენილი და ბნსუ-ში მოქმედი განათლების აღიარების წინამდებარე წესის შესაბამისად.
5. ბნსუ-ს მიერ სტუდენტის მიერ მიღებული კრედიტების აღიარება ეფუძნება მათ შესაბამისობას ბნსუ-ს პროგრამასთან. აღიარებას ექვემდებარება მხოლოდ უმაღლესი განათლების იმავე საფეხურის საგანმანათლებლო პროგრამის ფარგლებში მიღებული კრედიტები, რომელზე ჩარიცხვა და სწავლება განხორციელდა კანონმდებლობით დადგენილი წესით;
6. ბნსუ უფლებამოსილია გასაუბრების საფუძველზე დაადგინოს ბნსუ-ს პროგრამით სწავლის გაგრძელების მსურველის კომპეტენციების თავსებადობა ბნსუ-ს სამაგისტრო პროგრამასთან;
7. მიღებული კრედიტების აღიარება ხდება სტუდენტის მიერ შესწავლილი და ბნსუ-ში არჩეული პროგრამების სწავლის შედეგების ურთიერთშესაბამისობის, მათ შორის საგანმანათლებლო პროგრამების კომპონენტების თავსებადობის დადგენის გზით: კრედიტების აღიარება შეიძლება მოხდეს: მიღებული კრედიტების პირდაპირ აღიარების, პროგრამის კომპონენტების სილაბუსების შინაარსობრივი შესწავლის ან კომპონენტების სილაბუსების შინაარსობრივი შესწავლისა და გასაუბრების საფუძველზე. ბნსუ-ს პროგრამასთან ნულოვანი თავსებადობის (შესაბამისობის) შემთხვევაში - 1) ეს არის ბნსუ-ში სწავლის გაგრძელებაზე უარის თქმის საფუძველი, ან 2) პირი ვალდებულია სრულად შეისწავლოს ბნსუ-ს სამაგისტრო პროგრამა;
8. შეიძლება იყოს აღიარებული სავალდებულო და არჩევითი სასწავლო კურსების და პროგრამის სხვა სასწავლო კომპონენტების კრედიტები. პროგრამის სამეცნიერო-კვლევითი კომპონენტის - სამაგისტრო ნაშრომის კრედიტების აღიარება არ ხდება;
9. სტუდენტის მიერ შესწავლილი სასწავლო კურსები/პროგრამის სხვა სასწავლო კომპონენტები, რომლებიც არ არის გათვალისწინებული ბნსუ-ს სამაგისტრო პროგრამით, მაგრამ შეესაბამება პროგრამის მიზნებს, შესაძლებელია აღიარებული იქნეს არჩევითი სას-



წავლო კურსების/პროგრამის სხვა სასწავლო კომპონენტების სახით – 1) თუ ამის შედეგად აღიარებული კრედიტების რაოდენობა გაუტოლდება ბნსუ-ს სამაგისტრო პროგრამით არჩევითი კომპონენტისთვის გათვალისწინებული კრედიტების ჯამურ რაოდენობას, მაშინ სტუდენტი არ არის ვალდებული შეისწავლოს ბნსუ-ს პროგრამით გათვალისწინებული, არჩევითი სასწავლო კურსები/პროგრამის სხვა სასწავლო კომპონენტები; 2) თუ სტუდენტის მიერ მიღებული არჩევითი კრედიტების რაოდენობა მეტია ვიდრე ეს არის გათვალისწინებული ბნსუ-ს სამაგისტრო პროგრამით, მაშინ სტუდენტის არჩევანის შესაბამისად აღიარებული იქნება მხოლოდ ბნსუ-ს პროგრამით არჩევითი კომპონენტისთვის გათვალისწინებული კრედიტების ნორმირებული რაოდენობა;

10. თუ სტუდენტის მიერ შესწავლილი სასწავლო კურსის/პროგრამის სხვა კომპონენტის დასახელება და კრედიტების რაოდენობა ემთხვევა ბნსუ-ს პროგრამის ანალოგიური სასწავლო კურსის/პროგრამის სხვა კომპონენტის დასახელებასა და კრედიტების რაოდენობას – მაშინ ავტომატურად ხდება სასწავლო კურსის/პროგრამის კომპონენტის აღიარება;

11. თუ შესწავლილი ძირითადი სწავლის სფეროს სასწავლო კურსის დასახელება არ ემთხვევა ბნსუ-ს პროგრამის ანალოგიური სასწავლო კურსის დასახელებას – მაშინ შესაძლებელია მათი აღიარება სახელწოდებებში არსებული სხვაობის მიუხედავად

12. თუ შესწავლილი სასწავლო კურსის კრედიტი ნაკლებია ბნსუ-ს პროგრამის ანალოგიური სასწავლო კურსის კრედიტზე, მაშინ - ა) 01 კრედიტის განსხვავების შემთხვევაში შესაძლებელია შესწავლილ სასწავლო კურსს მიენიჭოს მეტი კრედიტი; ბ) 02 კრედიტის განსხვავების შემთხვევაში შესწავლილი სასწავლო კურსის და ბნსუ-ს ანალოგიური სასწავლო კურსის სწავლის შედეგების შესაბამისობის შემთხვევაში შესწავლილ სასწავლო კურსს მიენიჭოს ბნსუ-ს სამაგისტრო პროგრამით გათვალისწინებული მეტი კრედიტი; გ) 02 კრედიტზე მეტი განხვავების შემთხვევაში არ მოხდება კრედიტების აღიარება;

13. თუ შესწავლილი სასწავლო კურსის/პროგრამის სხვა კომპონენტის კრედიტების რაოდენობა აღემატება ბნსუ-ს სამაგისტრო პროგრამის ანალოგიური სასწავლო კურსის/პროგრამის სხვა კომპონენტის კრედიტების რაოდენობას – მაშინ ხდება კრედიტების იმ რაოდენობის აღიარება, რამდენსაც ითვალისწინებს ბნსუ-ს სამაგისტრო პროგრამა;

14. პროგრამების შესაბამისობის დადგენისა და კრედიტების აღიარების შედეგად განისაზღვრება კრედიტების რაოდენობა, რომელიც სტუდენტს უღიარდება ბნსუ-ს სამაგისტრო პროგრამის მიზნებისათვის;

15. სწავლის გაგრძელების რეკომენდებული სემესტრის განსაზღვრისას გათვალისწინებული იქნება აღიარებული და მისაღები კრედიტების რაოდენობა და ბნსუ-ს პროგრამით გათვალისწინებული სასწავლო კურსის/პროგრამის სხვა კომპონენტის შესწავლის წინაპირობები. სემესტრის განსაზღვრისას, ასევე, მხედველობაში მიიღება, რომ სტუდენტის მიერ შესწავლილი და ბნსუ-ს მიერ აღიარებული სასწავლო კურსი/პროგრამის კომპონენტი შეიძლება იყოს გათვალისწინებული ბნსუ-ს სამაგისტრო პროგრამის მომდევნო სემესტრებში. აღნიშნული გათვალისწინებით, სტუდენტს ეძლევა რეკომენდაცია სწავლა გააგრძელოს გარკვეული (ქვემოთ მითითებული ან ქვემოთ მითითებულისგან განსხვავებული) სემესტრიდან:

აღიარებული კრედიტების რაოდენობა	0-29	30-59	60-89	90 და მეტი
რეკომენდებული სემესტრი	I	II	III	IV

16. აღიარებული და მისაღები კრედიტების რაოდენობიდან და პროგრამის კომპონენტების წინაპირობებიდან გამომდინარე შესაძლებელია სტუდენტს დასჭირდეს დამატებითი სემესტრ(ებ)ის გავლა და სწავლის გაგრძელება წინამდებარე დებულებით დადგენილი სწავლის გაგრძელების ვადით;

21. იმ შემთხვევაში, თუ ბნსუ-ს პროგრამა, რომლითაც სწავლას აგრძელებს სტუდენტი, მისი ჩარიცხვის შემდეგ განიცადა მოდიფიცირება ან სტუდენტმა დამატებით წარმოადგინა ინფორმაცია გამომწვევ უსდ-ში შესწავლილი სასწავლო კურსების შესახებ (უნდა იყოს წარმოდგენილი დოკუმენტის დედანი, დამოწმებული უსდ-ს ოფიციალური უფლებამოსილი პირის მიერ), მაშინ ხდება უკვე შესწავლილი და ბნსუ-ს პროგრამით გათვალისწინებული სასწავლო კურსის თავსებადობის განმეორებითი შესწავლა წინამდებარე მუხლით დადგენილი წესების შესაბამისად. თავსებადობის შემთხვევაში დამატებითად აღიარებული იქნება სხვა უსდ-ში სტუდენტის მიერ მიღებული იმ სასწავლო კურსების კრედიტები, რომელთა აღიარება არ მოხდა ბნსუ-ში სტუდენტის ჩარიცხვის დროს;

18. თუ უსდ, რომელშიც სწავლობს/სწავლობდა სტუდენტი, იყენებს/იყენებდა ECTS-ისგან განსხვავებულ საკრედიტო სისტემას, მაშინ სტუდენტი ვალდებულია წარმოადგინოს უსდ-ს მიერ გაცემული ოფიციალური დოკუმენტი, სადაც აღწერილია უსდ-ში მოქმედი საკრედიტო სისტემა და მითითებულია ამ სისტემის შესაბამისობა ECTS-სთან;

19. ბნსუ უფლებამოსილია გაიანგარიშოს სტუდენტის დატვირთვა კრედიტებით იმ საგანმანათლებლო პროგრამის შემთხვევაში, რომელიც არ არის შედგენილი ECTS-ს შესაბამისად. ამ შემთხვევაში ხდება მითითებული აკადემიური/საკონტაქტო საათების ანალოზი, რის შედეგად სასწავლო კურსებს ენიჭებათ კრედიტები შემდეგი წესის მიხედვით:

- თუ მითითებულია საკონტაქტო (სს) და დამოუკიდებელი (დს) საათები, მაშინ მათი ჯამი გაიყოფა 26-ზე (ბნსუ-ში 1 კრედიტი = 26 სთ.) ანუ კრედიტი = (სს + დს) / 26;
- თუ მითითებულია მხოლოდ საკონტაქტო საათები, მაშინ: ა) მოხდება მათი შედარება ბნსუ-ს ანალოგიურ სასწავლო კურსთან/პროგრამის კომპონენტთან და კრედიტი მიენიჭება ზემოთ მითითებული წესის შესაბამისად, ბ) ბნსუ-ში ანალოგიური სასწავლო კურსის/პროგრამის კომპონენტის არარსებობის შემთხვევაში დამოუკიდებელი საათების რაოდენობა ჩაითვლება საკონტაქტო საათების რაოდენობის ტოლად ანუ კრედიტი = 2 x სს / 26;
- გამოთვლების შედეგად მიღებული რიცხვი მრგვალდება მთელ რიცხვამდე დამრგვალების წესის შესაბამისად.

20. ბნსუ უფლებამოსილია მოახდინოს სხვა უსდ-ში მოქმედი შეფასების სისტემის და სასწავლო ბარათში მითითებული შეფასებების ანალოზი და მათი გადაყვანა საქართველოში მოქმედი შეფასების სისტემის ქულებზე, რაც ხდება შემდეგი წესების დაცვით:

- 5-ბალანიანი სისტემის ბნსუ-ში მოქმედ 100-ქულიანი სისტემაზე გადაყვანა ხდება მაქსიმალური ქულის მინიჭების პრინციპით:

5-ბალანიანი სისტემა		შეფასება საქართველოში მოქმედი 100-ქულიანი სისტემის შესაბამისად		
ფრიადი	5	100	A	ფრიადი
კარგი	4	80	C	კარგი
დამაკმაყოფილებელი	3	70	E	დამაკმაყოფილებელი
არადამაკმაყოფილებელი	2-0	0	F	ჩაიჭრა

- თუ სტუდენტს მიღებული აქვს: 1) ე.წ. „დიფერენცირებული ჩათვლა“ (ნიშნის მითითებით), მაშინ ხდება მისი გადაყვანა 5-ბალანიანი სისტემიდან 100-ქულიანი სისტემაზე სტუდენტის მიერ მიღებული შეფასების გათვალისწინებით ზემოთ მითითებული ცხრილის შესაბამისად; 2) ე.წ. „ჩათვლა“ (ნიშნის გარეშე), მაშინ ხდება მისი გადაყვანა 100-ქულიანი სისტემაზე მაქსიმალური ქულის მინიჭებით (ჩათვლა = 100 ქულა).
- განსხვავებული შეფასების სისტემების ბნსუ-ში მოქმედ სისტემაზე პირობითი გადაყვანა ხდება მაქსიმალური ქულის მინიჭების პრინციპით:

- 100-ქულიან სისტემაზე განსხვავებული შეფასების სისტემით მიღებული შეფასების (ქულის) გადაყვანა ხდება ფორმულით:

$GP = \frac{a \times 100}{A}$	GP - ბნსუ-ში მოქმედ 100-ქულიან სისტემაზე გადმოყვანილი შეფასება (ქულა); 100 - ბნსუ-ში მოქმედი 100-ქულიანი სისტემის მაქსიმალური შეფასება (ქულა); A - სხვა შეფასების სისტემის მაქსიმალური შეფასება (ქულა); a - სხვა შეფასების სისტემით მიღებული შეფასება (ქულა).
-------------------------------	--

- GPA-ზე (შესაბამისად, 100-ქულიან სისტემაზე) განსხვავებული შეფასების სისტემით მიღებული GPA-ს გადაყვანა ხდება ქვემოთ მოცემული ფორმულით (შეფასების ქულა განისაზღვრება მიღებული GPA-ს ქულის გათვალისწინებით (იხ. წინამდებარე დებულების „აკადემიური მოსწრების მაჩვენებლები (კოეფიციენტები). GPA“):

$GPA = \frac{4 \times gpa}{gpa_{max}}$	GPA - ბნსუ-ს GPA-ზე გადმოყვანილი ქულა; 4 - ბნსუ-ს GPA-ს მაქსიმალური მნიშვნელობა gpa - სხვა შეფასების სისტემით მიღებული Grade Point Average (GPA); gpa <sub>max</sub> - სხვა შეფასების სისტემაში GPA-ს მაქსიმალური მნიშვნელობა.
--	---

21. კრედიტების აღიარება ფორმდება დასკვნის სახით, რომელიც ასახავს უკვე შესწავლილი პროგრამის შესაბამისობას (თავსებადობას) ბნსუ-ს სამაგისტრო პროგრამასთან. დასკვნაში მითითდება აღიარებული კომპონენტების დასახელებები, კრედიტების რაოდენობა და რეკომენდაცია სწავლის გაგრძელების სემესტრის შესახებ. დასკვნა ეცნობა დაინტერესებულ პირს, რომელიც ადასტურებს ბნსუ-ში სწავლის გაგრძელების გადაწყვეტილებას ან უარს ამბობს ბნსუ-ში სწავლის გაგრძელებაზე.

**მუხლი 7. პროგრამის შეცვლის ან გაუქმების შემთხვევაში განათლების მიღების უწყვეტობის შესაძლებლობის უზრუნველყოფა**

- ბნსუ-ს მიერ მოქმედი პროგრამის არსებითი შეცვლის (მოდულიზაციის) ან გაუქმების გადაწყვეტილების მიღების შემთხვევაში:
  - მოხდება ამ პროგრამის სტუდენტების წინასწარი ინფორმირება და აკადემიური წლის/სემესტრის დასრულებამდე მათ მიეცემათ მოქმედი (მოდულიზირებამდე/გაუქმებამდე არსებული) პროგრამით სწავლის გაგრძელების შესაძლებლობა; ბ) პროგრამის მოდიფიცირების შემთხვევაში სტუდენტებისთვის იქნება შეთავაზებული მოდიფიცირებული პროგრამით სწავლის გაგრძელება; გ) სტუდენტებისთვის იქნება შეთავაზებული ინდივიდუალური სასწავლო გეგმით ან შიდამობილობით, უკვე მიღებული კრედიტების მაქსიმალური აღიარების შესაძლებლობით, ბნსუ-ში უმაღლესი განათლების იმავე საფეხურის იმავე/მომიჯნავე სფეროს პროგრამით (არსებობის შემთხვევაში) სწავლის გაგრძელება. მითითებულ შემთხვევებში სტუდენტს შეუწარმდება განათლების მომსახურების ხელშეკრულებაში დადგენილი სწავლის საფასური პროგრამის შეცვლით გამოწვეული დამატებითი გადასახადების გარეშე;
  - სტუდენტს თავისუფალია თავის არჩევანში, მას შეუძლია: ა) მიიღოს ზემოთ მითითებული ბნსუ-ს შეთავაზება და სწავლა გააგრძელოს ბნსუ-ში; ბ) მოახდინოს მისთვის სასურველი პროგრამის არჩევა სხვა უსდ-ში და ისარგებლოს მობილობის უფლებით;
- თუ სტუდენტმა უარი თქვა ბნსუ-ში სწავლის გაგრძელებაზე და ზემოთ მითითებული სწავლის გაგრძელების ვადის გასვლის შემდეგ არ ისარგებლა მობილობის უფლებით, მას შეუჩერდება სტუდენტის სტატუსი.
- ბნსუ-ში სწავლის გაგრძელების შემთხვევაში ბნსუ ადგენს გაუქმებული/შეცვლილი და სტუდენტის მიერ არჩეული პროგრამების თანხვედრას სტუდენტის მიერ მიღებული კრედიტების აღიარების მიზნით;
- სტუდენტის მიერ უკვე მიღებული კრედიტების მაქსიმალური აღიარების ხელშეწყობის მიზნით პროგრამის გაუქმებამდე (ზემოთ მითითებული წესის შესაბამისად პროგრამით სწავლების შეწყვეტამდე) ბნსუ აფორმებს შეთანხმებას უსდ-სთან, რომელიც ახორციელებს ანალოგიურ/თავსებად პროგრამას.

**მუხლი 8. დანართები**

- წინამდებარე დებულების განუყოფელ შემადგენელ ნაწილს წარმოადგენს მისი დანართები, ასევე დოკუმენტები/ფორმები, რომლებიც შემუშავდა წინამდებარე შინაგანაწესის საფუძველზე.
- წინამდებარე შინაგანაწესის დანართებია:
  - დანართი №01 - უმაღლესი საგანმანათლებლო პროგრამის დაგეგმვის, განხორციელებისა და განვითარების მეთოდოლოგია;
  - დანართი №02 - კომპეტენციების და სწავლის შედეგების ფორმირების და შეფასების მეთოდოლოგია;
  - დანართი №03 - ელექტრონული სწავლების ძირითადი მიდგომები;
  - დანართი №04- აკადემიური რეიტინგის სისტემა;
  - დანართი №05 - სამაგისტრო ნაშრომის შესრულების წესი;
  - დანართი №06 - ინდივიდუალური სასწავლო გეგმის შემუშავებისა და განხორციელების წესი.

**მუხლი 9. დებულების საჯაროობა/კონფიდენციალურობა**

- წინამდებარე დებულება, მისი დანართები და წინამდებარე დებულების საფუძველზე შემუშავებული ფორმები საჯაროა;
- ბნსუ-ს სტუდენტები, საბაკალავრო/სამაგისტრო საგანმანათლებლო პროგრამების შემუშავებაში, განვითარებაში, შეფასებაში და განხორციელებაში ჩართული და სხვა პირები, რომლებიც მონაწილეობენ პროგრამების შემუშავების, პროგრამის განხორციელების, შეფასების, განვითარებისა და სასწავლო პროცესების უზრუნველყოფაში, ვალდებული არიან გაეცნონ წინამდებარე დებულებას და შეასრულონ მისი მოთხოვნები, ბნსუ ვალდებულია ნებისმიერ დროს მისცეს მათ დებულების გაცნობის შესაძლებლობა.

**მუხლი 10. დასკვნითი დებულებები**

- წინამდებარე დებულების ძალაში შესვლისთანავე უქმდება წინამდებარე დებულების ძალაში შესვლამდე მოქმედი დებულებები/წესები, რომლებიც არეგულირებდნენ წინამდებარე დებულებით გათვალისწინებულ საკითხებს;
- დებულებაში ცვლილებებისა და დამატებების შეტანის ინიციატორი შეიძლება იყოს რექტორი, აკადემიური და ფაკულტეტის საბჭოები, ფაკულტეტის დეკანი, ხარისხის უზრუნველყოფის სამსახური, ბნსუ-ს იურისტი;
- დებულებაში ცვლილებებისა და დამატებების შეტანა ხორციელდება ხარისხის უზრუნველყოფის სამსახურის წარდგინებით;
- დებულების მუხლებს წინამდებარეული აქვს სათაურები ტექსტით სარგებლობის გასაადვილებლად, ეს სათაურები არ მიიჩნევა რომელიმე მუხლის განმსაზღვრელად, შემცველად ან განმმარტებლად;
- დებულების რომელიმე მუხლის/დებულების ძალადაკარგულად/ზაითლად ცნობა არ ვრცელდება დებულების სხვა მუხლებზე/დებულებებზე;
- ყველა საკითხი, რომელიც არ არის გათვალისწინებული წინამდებარე დებულებით, რეგულირდება საქართველოში მოქმედი კანონმდებლობით;
- წინამდებარე დებულება ძალას კარგავს ახალი დებულების დამტკიცების შემთხვევაში.





ცვლილებების აღრიცხვის ფურცელი

ცვლილებების №	ცვლილებების თარიღი	ცვლილებების შინაარსი